




香山寶卷



風聲文庫
文庫 19
F.377
40
早稲田大学図書



同治拾年新鐫

香山寶卷

世家堂藏版

香山寶卷序

宋普明禪師於崇甯二年八月十五日
在武林上天竺獨坐期堂三月已滿忽
見一老僧云公單修無上乘正真之道
獨接上根焉能普濟汝當代佛行化三
乘演暢頓漸齊行便可廣度中下羣情
公若如此方報佛恩師問僧曰將何法
可度於人僧答云吾觀此土人與觀世



音菩薩。宿有因緣。就將菩薩行狀。畧說本末。流行於世。供養持念者。福不唐捐。此僧乃盡宣其由。言已隱身而去。普明禪師一歷覽耳。遂卽編成此卷。忽然觀世音菩薩親現紫金相。手提淨瓶綠柳。駕雲而現。良久歸空。人皆見之。無不敬仰。後人聞已。愈加精進。以此流傳天下。永爲警鑒云爾。

重刻觀世音菩薩本行經簡集卷上

登壇開白

凡任其事。必須齋沐更衣。則敬心當然。以重菩薩故。先舉香讚。次開白。已方入正。

歲次某年二月十九日恭遇

大悲觀世音菩薩降誕良辰。我今登壇宣演觀音寶卷。衆等務宜攝心端坐。齊身恭敬。不可言語笑談。切忌高聲混亂。鳴尺必須諦聽。宣揚清淨耳聞。從聞思修。聖凡不二。

經云。觀世音菩薩。以何因緣。名觀世音。若有衆生受諸苦惱。聞是觀世音菩薩。一心稱名。觀世

音菩薩。即時觀其音聲。皆得解脫。若有持是觀世音菩薩名者。設入大火。火不能燒。乃至若為大水所漂。稱其名號。即得淺處等。以是因緣。名觀世音。偈曰 鳴尺

觀音原住古靈臺 慈悲念重降世來

不問回回并達達 聞聲菩薩笑盈腮

本行經文 苦樂哀音 須要相像

恭聞迦葉佛時。須彌山西。有一世界。名曰林年。號妙莊。彼土人皇。姓婆伽。年始二十。眾稱

人尊。祝立為帝。正治封疆。縱廣十萬八千里。皇城十二門。圍遶三千里。宮殿高廣。金碧交輝。四相恭奉。三公衛護。九番七十二國。往往來來。萬姓俱降。人人叩頭。個個欽仰。皇乃每好打圍。嬪妃同翫。潑天快樂。希有者也。只愁六宮不生太子。每禱上蒼。乃作一偈。

婆伽婆帝號莊皇 凜凜威風鎮萬邦

若得宮中生太子 殺牛宰馬謝三光

聽說國后其正宮皇后名號寶德。與帝同壽。面

如滿月。兩耳垂肩。雙目清秀。一身體態。百般端
王。常生慈善。萬事寬弘。忽於妙莊八年。降生一
女。父皇喜曰。以年號爲第行。見境而立名。朕因
看書而生女者。名曰妙書。後至妙莊十三年。又
生一女。仍前啟奏。父皇喜曰。朕在洞天宮中。操
琴而生女者。名曰妙音。自此皇后。每告上蒼。願
求生男。至妙莊十八年。夜寢太和宮中。夢見二
天女。身長三丈。頭戴珠冠。體掛瓔珞。身諸毛孔
放五色光。躬立床前。言云。上天玉帝。請國母往

三十三天。善法堂中。見佛聞法。皇后乃然其言。
披乘出宮。天降鸞駕。門首而迎。倏忽來到三天
門下。皇后初見。毫光晃曜。目不能覩。衆天人曰。
速念彌勒佛三聲。便見分明。卽時念佛。果見聖
境非凡。無數天宮寶殿。高闊深遠。天樂自鳴。花
彩重重。大梵天皇。與諸天衆。共至善法堂前。聽
經已畢。乃見三千紫金人。十千天仙女。色相端
嚴。各乘金蓮寶座。巍巍騰空。齊到善法堂中。皇
后見之。詢問其由。談話相契。衆仙女曰。送一仙

者與皇后。后乃含笑禮謝衆仙。回宮。忽然覺醒。在床。乃作一偈。

先天聖境事非常。大羅寶殿放毫光。

十千仙者齊歡喜。與奴一女轉宮房。

皇后醒來仔細思量。是何奇異。至今還如勝景。現前莫不是天降災殃。地動烟塵。敢怕外國撩亂。萬姓作反。寤寢不安。坐至天明。親詣殿上。啟奏君王。乃作一偈。

夢中聞法往天堂。大覺金仙現寶光。

臣妾未知凶吉事。特來啟奏向君皇。

帝乃出榜。普召圓夢先生。有一公公。髮白面皺。竹冠衲衣。執杖而來。揭榜進朝。莊皇喜曰。公住何處。答曰。臣住樂邦。皇問何姓。臣姓彌。皇又問曰。公年高多少。離家幾載。公曰。臣早喪父母。不知年甲。自幼出家。周遊列國。處處圓夢。不計歲數。皇曰。公夢本今在何處。答曰。臣圓夢。不賣本說。來自存忖。皇曰。且道昨夜正宮皇后夢往升天。善法堂中。聽聞佛法。見三千紫金人。千千天

香山卷一
四
仙女。一面如故。送一仙女。與皇后回宮。此夢何如。公公答曰。臣今詳說此夢。皇后升天聽法。當興善事。增加天壽。合作佛母。三千紫金人者。卽三世三千佛也。十千仙女者。卽一萬菩薩也。送一仙女。與國后回宮者。乃改人皇家爲法皇家也。今肉身菩薩。出現降誕宮內。出現於世。弘布圓通度人無量。只此言矣。乃作一偈。
君皇問臣住何方。家居原住樂安邦。
生身百拙無些用。單靠圓夢度時光。

那公公不圖陞賞。時間內使討水一瓢。噴水一口。喝着一聲。杖從地起。化作金龍。風雲雨飾。電光閃爍。霹靂轟雷。喧震帝殿。大現金身。駕雲而去。莊皇見已拱手扣牙。乃作一偈。

喝杖成龍頃刻間。雲迎雨送轉天關。
大現金身昇騰去。妙莊皇帝喜容顏。
且說國后。自此身體康泰。眼常見優鉢花圍繞。耳常聞天樂動鳴。鼻常聞異香馥馥。身常有光明照耀。喉中常自醍醐涓潤。如此祥瑞。十月滿。

足。至妙莊十八年二月十九日。國后大喜。合宮
嬪妃眷屬。盡行翫花三日。那御花園內。有八十
餘所觀花柳巷。盡是白玉爲街。黃金爲闌。再有
三十二處賞花亭。上蓋青綠琉璃瓦。金梁玉柱
下嵌銀磚。間七寶。處處安排筵宴。撫琴歌歡。漸
漸遊至成天殿後。共登千花樓上。顧瞻四面。太
陽當空。日正巳時。乃見天花散彩。地湧異寶。花
香噴鼻。熏入樓臺。隨卽降生公主。時乃空中百
鳥唱賀云。菩薩出世間。度無量衆。合宮聞言

乃作一偈

賞花遊翫到樓臺

黃鶯啼叫百花開

二月十九春光好

公主身從降下來

此時皇后便令宮娥姝女把金盆沐浴。合宮人
讚言。此公主非凡人也。容顏甚微妙。猶如淨滿
月。手有千輪相。目如摩尼珠。指爪如白玉。玻璃
面貌。具三十二相。綠眉翠髮。世上無比。六宮共
議。自合進上。父皇觀看一面。便將錦袱包藏。金
盤盛貯。姝女捧托。宮娥後隨。六宮三殿。百樂喧

香山卷
天登臨寶殿。父皇喜曰。此女乃正宮感夢而生。名曰妙善。待明日早朝。與朝臣共議。合應詔告。遍行天下。乃作一偈。

織金龍袂錦包藏

金盤捧出見君皇

寡人與民同安樂

朕若貧時也不妨

休說皇帝大喜。且說公主生在宮中。人人愛惜。似寶如珠。漸漸長大。年至十歲。志量洪闊。高明博厚。自然通曉琴書。絲畫織錦成文。百味珍饈。無所不會。體態尊重。清潔義讓。謙和忠孝。知廉

識耻。慈悲忍辱。不貪不愛。自然齋戒。晝則看經禮誦。夜則入定坐禪。時時如此。勤修不懈。不覺長在宮中。一十九歲。公主每告上蒼。願捨皇宮。出家奉佛。叅明師。奉知識。行正道。不退心。離地獄。出火坑。願成佛。度衆生。發此願已。夢往妙高峰頂。叅無量壽佛之記。夢中覺醒。心悟了然。乃作一偈。

長在宮中十九年

萬般快樂我無緣

堅固自然心不亂

少曾將脇倒床眠

公主在宮中修行學道宮娥嫠女盡皆笑曰快活不受何故如此公主曰吾因生死事大自性衆生誓願度自性佛道誓願成嘆日月如梭光陰似箭常愁人身一失永別千秋吾今普勸知音者宮中快樂未為貴莫若空門做道人乃作一偈。

朝廷富貴實軒昂 六宮三殿勝天堂

莫道長生無煩惱 臨終不免見閻王

公主在宮中修行未知終後如何且說妙莊皇

帝鎮掌山河神驚鬼怕有功者賞犯法者不饒四相九卿恭奉百萬軍兵擁護后宮省屬三千七百日日九宴琴樂應天少甚金銀異寶思量只少一個太子乃作一偈

帝皇無嗣總由天 流傳一段大因緣

萬劫千生難遭遇 端然靜息聽宣傳

南無觀世音菩薩 此處和佛號起但遇菩薩名則衆稱念一聲鳴尺一丁

妙莊皇帝登天下 有道君皇治萬民

百億山河居一統 萬象交參賀太平

休論皇帝多有道。聽說宮內正宮人
名稱寶德爲皇后。○聖賢佛母降凡廷
天生美貌都端正。仁德心慈世莫論
三十六宮齊恭奉。七十二院總欽尊
雖在後宮爲皇后。不生太子小儲君
前後親生三個女。三人女子告知聞
大姐妙書爲第一。第二名稱號妙音
第三妙善年最小。父娘偏惜掌中珍
皇帝一朝登殿。龍顏大怒。朝臣失色。帝乃口中

不語。心下思想。後宮嬪妃眷屬三千七百。盡是
泥塑木雕的死人。並無一個能生子息。朕思山
河草木。年年逢春。開花結子。寡人絕嗣。徒勞爲
國之君。若得宮中生一太子。嗣續朕命。坐掌山
河。興隆帝道。名佈他邦。是朕之願也。今日無門
可訴。只得宣卿前來。聽朕細說衷腸。
△有子此事都放下。更無餘事和太平

南無觀世音菩薩

皇帝當時開金口。卿等前來聽朕因

堆金積玉成何事 算來異寶未為真

光陰如箭催人老 國無太子朕無親

朕今自恨身軀老 鎮掌山河無後人

若得宮中生殿下 何愁四海不清寧

眼前滿朝朱紫貴 誰解煩惱秋一點情
四相九卿齊使奏 再朝入拜說緣因

滿朝盡是忠臣士 更無違礙不良人

宮中還有三公主 合招駙馬在宮門

伏望我皇親電覽 龍顏且喜納微臣

皇帝每日五更三點帶月披星百樂齊鳴迎上

寶殿振大朝鐘擊大朝鼓靜鞭三下喧天如雷

文武兩班齊齊整整執恭舞笏三祝三呼二十

四拜言稱萬歲忽一日朝罷當問序班今日早

朝臣完否序班傳奏臣啟陛下內有左丞相張

拱辰不來朝見皇曰何故不來朝見右丞相許

智出班奏曰臣啟萬歲臣聞他家昨夜為因夫

人生一孩兒以此失朝伏望我皇赦罪寬恩皇

帝見奏鎖定眉頭精神不爽恨他男子偏不來

寡人宮中托生他年長大替朕為君卻不是好

香山卷一
△海寶千般未爲貴 先求如意無價珍
南無觀世音菩薩

五更三點皇登殿 掌扇纔開見帝君
掛甲將軍無萬數 兩班文武共隨身

舞蹈三呼稱萬歲 二十四拜口稱臣

妙莊皇帝開金口 動問左右衆朝臣
左右朝臣齊聲奉 只有拱辰未來臨

未審此人何緣坎 不來朝見爲何因

許智丞相時便奏 我皇聖耳願知聞

他因夫人生男子 失來朝見願寬恩

皇帝見奏心煩惱 恨他男子錯安身

托朕宮中爲太子 金盃沐浴號東宮

文武朝臣齊聲奏 國無太子宿何因

三清上帝無分曉 玉葉金枝不布容

皇帝大朝面無正色 文武羣臣戰戰兢兢合朝

跪勸曰伏望我皇息怒開懷 雖然不生太子臣

聞正公娘娘自有三員公主 青春正當合招駙

馬豈不是嫡親瓜葛 向後觀他有德行者爲尊

臣當萬死直言奏知 任我皇稱心可行則行皇

帝見奏龍顏喜曰勞卿所奏解朕之愁便行勅
命宣召後宮三員公主卽今晚朝速赴殿前
△不得春風花不綻 花容須感春風力
南無觀世音菩薩

父皇有勅宣宮內 勅傳內苑急如雲
妙書妙音并妙善 共同披乘出宮門
青絲細髮蟠龍髻 眉如綠柳始逢春
面如牡丹花正放 綉鞋三寸不露塵
容顏花貌如美玉○少年洒落正逢春

皇帝勅下三人女子招親侍奉欲何文武速急
回言當有妙書公主進前啟奏兒順父命願得
文士爲親須先體察如無刑傷過犯技藝下輩
等人朝門之外掛傳金榜普召天下考試賢良
秀才能通萬卷詩書舉筆成文出言成詩孝義
仁信才貌兩全人相氣概少年洒落不肥不瘦
不長不短真才實學隨機應用方爲一國之至
寶萬邦之光輝有這般大公器者便可成親

△文能安邦民安樂 武能護國絕干戈

一似嫦娥離月殿 猶如仙女出仙宮
未知父皇何聖旨 爲何勅下召奴身
同往成天金殿上 〇深深八拜謝皇恩
齊齊近前呼萬歲 鳳語鶯吟讚父親
金輪統御三千界 王歷延鴻百萬春
父皇聞言龍顏喜 女兒今且聽緣因
爺爺年老無所靠 又無太子小儲君
朕今與兒同商議 共招駙馬在宮門
我兒承順須當說 欲何文武自評論

南無觀世音菩薩

妙書公主回言答 兒願文士納爲親
先須體察無過犯 金榜名傳第一人
知書達理人相好 〇端嚴洒落少年春
駙馬把筆安天下 興林一國盡安寧
黃金殿上封官顯 紫袍玉帶號忠臣
若有這般明賢士 須要舉保便成親
皇曰大姊順父招夫文士爲親 妙音你意下何
爲說與我知 妙音公主躬身便答 姊姊既認招

文奴願招武者。武者須選文武雙全。有志感
勇。不勞軍兵。拱手降伏。邊邦寧靜。干戈冰息。喝
靜朝班。山河一統。鎮國掌兵。無敵大將。一人之
下。萬人之上。威風凜凜。人相巍巍。恐怕烟塵動
時。要他護國護民。有此功能者。方可成親。匹配
婚姻。務要的當。

△千兵易討。尋經論。一將難求。教外傳。
南無觀世音菩薩。

妙音公主忙便奏。爲願武者納爲親。

武者須是名上將。領兵護國鎮乾坤。
喝水成冰通軍馬。如龍八爪護皇城。
神欽鬼奉如天將。○威風萬里衆欽尊。
恐怕邊邦烟塵動。要他守護父皇城。
父皇見奏龍顏悅。天生女子孝心人。
次宣妙善前來問。○我兒今且聽緣因。
姊妹三人兒最小。朕緣偏惜掌中珍。
巍巍堂堂如花貌。端端正正紫金容。
舉步如如身不動。○音聲朗朗不搖唇。

寡人與你頻抬舉 招取一人在宮門
招取一位忠臣士 萬里山河託此人

大姊招文為駙馬 二姊願納武為親

女兒欲要何文武 隨心如意道知聞

皇曰朕宮中只有三人女子青春正當合招駙

馬護國護民代天行化大姊招文二姊招武一

能孝二能順正是有志不在年高自然通孝世

間大禮妙善你意下何為三公主上前便奏女

孩兒身同心不同各有所見伏望爺爺明鏡朗

鑒

△一片白雲橫谷口 幾多歸鳥盡迷巢

南無觀世音菩薩

妙善當時忙便答 父皇且自請回尊

爺爺只憂無太子 奴愁生死別無因

父皇枉有多金寶 怎免輪迴死生門

奴奴命似風前燭 世間難得百年人

鎮掌山河棋一局 百年世事一夢中
靜思古往今來事 潑天聲價總成空

朝朝扛闕呼萬歲 閻王相請莫知聞

苑菴勝住黃金殿 蘇衣賽掛錦袍人

香山卷一
功名勢退湯澆雪 趁時回首可修身
三寸氣在千般用○一旦無常萬事休
文官能文徒然事 武官能武亦徒然
任汝名題金榜上 錦袍玉帶一場空
風清月白修行好 老來學道果難成
奴奴若是招駙馬 沉埋地獄出無門
知他二姊招駙馬 奴願今身至佛身
文官武官都不願 一心要做出家人
妙善答父皇曰。總有忠臣孝子。志士仁人。豈能

代得無常。奴奴切思地獄之苦。愛命為因。愛欲為果。因果相交。萬死萬生。改頭換面。六道流浪。無解脫期。纔斷愛欲。便證佛果。能化現身。接物利生。同登覺岸。

△石火電光難定限 速急修行早是遲
南無觀世音菩薩

妙善當時回言答○父皇聖耳聽知聞
富貴難買生死路 莫令輕忽悞前程
忽地無常難可測 便應立志習修真

香山卷
爺爺容奴修行好○皇天不昧善心人
煩望爺爺生歡喜 容奴學道別酬恩
貧富夫妻如春夢 奴向雲林學古人
酆都界內無相識○閻王殿上沒人情
三塗地獄令人怕 誓不將身去嫁人
皇帝聞言大怒龍顏喝罵。潑的子。妖精也來作
怪。朕爲一國之主。萬姓之尊。見識卻不如你。一
個女孩兒之輩。從古至今。有天地則有陰陽。有
男女。則成夫婦。男婚女嫁。大禮當然。這厮是何
道理。喝令力士。拏赴法場。斬了。左右應聲如雷。
未敢便拏。

△萬古碧潭空界月 再三勞碌始知音
南無觀世音菩薩

犯上父皇龍顏怒 高聲喝罵不非輕
精靈膽大言無理 妖邪吐氣怎生聽

朕爲大地山河主 皇天之下獨爲尊
百萬軍兵降伏任 難道降伏你不成

三十六載登天下 四海聞名萬姓欽
代代國令傳天下○古今王法治乾坤

利劍不斬忠孝子 犯法從來不認親
讒君不孝須當斬 勦除鬼怪滅精靈
妙善見父皇大怒以手近前曰腹盆如大海能
納百川爲小節事怒氣如山伏望爺爺大展慈
容望乞慈照。

△水月胸襟塵不染 冰霜戒行道長存
南無觀世音菩薩

妙善見父生嗔怒 進前一一奏言文
百歲光陰一宿客 嗚呼浮世豈長存

男婚女嫁埋苦本○廣種陰司地獄根
若逼奴奴招駙馬 父傳金榜召醫人
醫者須是明醫士 天下聞名第一人
醫天醫教無雲障○玉兔金烏不動明
醫地醫教無寒暑 大地山河一統平
醫人醫教無高下 普令快樂勝天真
空王殿內爲眷屬○涅槃床上結成親
但有如此明醫士 怎敢推辭背聖恩
父皇見奏呵呵大笑這小的子果是妖精鬼怪

生在宮中。年方一十九歲。曉得許多般事。不學孝悌忠信。人倫之道。信邪倒見。聽誑惑之言。古今人生。人死。有春有夏。有秋有冬。死以葬之。春秋祭之。大禮如此。若是平生。有功行者。該載於文籍。使名揚於後世。孝則終矣。有甚天堂地獄鬼神。是何形像。只有讀書朝帝闕。那見念佛往西天。這潑的子。元來怕死貪生。若是聰明。有見識的女孩兒家。本本分分。不言不語。順於爺爺。與同二姊。招一駙馬。也是一頭了當。豈不稱心。

你一點兒年紀。從那里得病。說將來看妙善。聞即時便答。

△大家截斷梧桐樹。自有傍人說短長。南無觀世音菩薩。

妙善近前躬身奏。○金懷玉鏡照評論。
一願不老常年少。二願不死永長春。
三願肉身成正果。四願見性識天真。
五願三障皆消滅。○六願恩愛斷除根。
七願智慧超日月。八願三界釋冤親。

九願天人皆供奉 十願說法度羣生

萬聖千賢中第一 天上天下衆欽尊

若有這般明醫士 蓮花會裡便成親

公主答父皇曰。奴願醫士爲親。須是醫得天下萬類無生滅之相。無憂欲之情。無老病之苦。無高下之拘。無貧富之辱。無好惡之患。無你我的心。無能所之傲。變大地人同心意。同形相同壽命同名號。同安樂。同象森羅。同一受用。四生六道。蠢動含靈。皆證_於覺妙覺。盡得五眼六通。三

身四智。佛果菩提。有人能醫此心病者。不選日時。結成夫婦。同著忍辱鎧。共臥無餘床。同坐法空座。只此言矣。父皇聞言。咬牙怒目。聲震如雷。左右見之。魂驚膽破。

△不是這番寒徹骨。爭得梅花噴鼻香

南無觀世音菩薩

父皇聞言心焦燥。○面如土色氣如雲

高聲喝起教擎下 殿前臣應似雷鳴

着令左右金甲將 瓜鎚打死這妖精

文武朝臣齊聲奏○我皇赦罪納微臣
公主年幼無志氣 寬恩怨罪且消停
妙莊皇帝開金口 卿等前來聽朕因
可怪頑潑天大胆 觜快如刀不辨尊
一片心肝如銅鉄○善化忠言永不聽
犴滑刁鑽非家寶 忘恩負義未爲珍
及早驅除由是可 年深日久必成精
妙莊皇帝拍案高聲便罵曰蜂狂的精靈說出
無端話得無理喝令女使剝下錦綉羅衣御棍

打出禁在後園待他寒凍饑餓而死免掛心
妙善聞言微微暗笑情願解下衣裳叩頭而去
公主到園中自歎曰富貴豈在錦羅衣有道何
在皇宮貴且向園中安然靜默一塵不掛深入
禪定思惟佛道得出宮門如離火宅荷謝三光
今日纔得暢心滿意修行
△長空雲散天一色 大地春回萬象新
南無觀世音菩薩

公主徑入園中去○歡歡喜喜出宮門

酒色財氣今日斷。三塗八難永除根。
錦繡羅衣皮毛債。全身淨盡合無爲。
出門一步乾坤闊。逍遙自在感天恩。
皇宮不是安身處。故鄉元在自心中。
此處園中如仙境。奇花異菓四時新。
爲因生死無心戀。轉心修道別無因。
千般快樂渾不喜。一心願證道圓通。
公主在園中。且喜無憂無慮。幸有明月爲伴。白
雲爲侶。又無怨恨。常生歡喜。自嘆宿生慶幸。無

諸魔障。得出宮門。如四脫柳。似鳥離籠。如龍得
水。似虎逢山。逍遙無掛礙。自在更無憂。迅速光
陰。已經一月。止有皇后朝思暮想。日不食。夜不
睡。與六宮共議。自合進上。求免赦罪。衆保回宮。
△白雲乍可來青嶂。明月難教下碧天。
南無觀世音菩薩。

六宮嬪妃同玉步。○黃金殿上說知因。
百樂應天前引路。正宮皇后後隨身。
直至殿前呼萬歲。二十四拜淚紛紛。

伏望我皇生歡喜○寬恩赦放女兒身
自家骨肉心中寶 莫將凌辱不成人
癡頑幼小無志氣 未辨春秋不順情
哀告父皇休嗔恨○大展慈容放罪人
親生止有三個女 乳哺三年計九春
妙書妙音多快樂 可憐妙善受艱辛
父皇心腸如鐵石 不思骨肉痛傷情
父皇見奏呵呵大笑曰父母見識大意相同自
家女兒誰不愛惜只是孝順的便好從今教他

改過前非且待明日朝罷朕自去園中遊賞一
迴令那大膽不成人的女子回宮你們各宮人
等須是同去轉勸后妃奉旨即便同往

△明人不在多多說○響鼓何必重重敲
南無觀世音菩薩

皇帝皇后皇妃子 不排鸞駕入園中
女使女官前引路 嬌娥姝女後隨身
徑入後宮花園內 花紅柳綠正逢春
看花女官來迎接○請皇亭內暫安身

香山卷一
二十四拜呼萬歲 聖人何故駕親臨
皇帝亭中開言說 卿在亭前聽朕因
多因妙善心邪見○痴頑失志不成人
禁在此園一個月 從孛到此未知因
女官曾知何消息 知他事體說來因
當時女官回言奏○聖明天子納微臣
未奉我皇親旨意 至今不敢拜芳容
皇帝親去觀公主 幽然靜坐小亭中
擊門高聲呼妙善 顛狂下賤下流人

快樂風光無福受 自招其禍做囚人
今朝好好回心轉 赦你回宮爲好人
速急回心由是可 仍前逆旨命除根
父皇去見妙善。口中不說。心內暗想。沉吟。不覺
淚流錦袍。親問曰。我兒可傷。不思在父母身邊
六宮之內。吃香馥馥的飲食。穿錦黃黃的龍服。
住錦片片的樓臺。隨從的嬌娥。伏侍的姝女。日
日筵宴。百樂齊鳴。有甚不足之處。今日從順父
命。招取一人。向後獨尊汝夫。興隆帝道。坐掌山

河。且受盡世風光。一朝天子勝做萬代諸侯。你
心何見。要受凌辱。妙善聞言。隨即便答。

△眼中着楔誰當得 火内生冰道者知
南無觀世音菩薩

公主當時回言答 父皇聖駕且回宮

無弦琴上知音少 父子彈來調不同

不貪皇宮多富貴 願向空門做道人

不願招夫爲天子 無福做后正宮人

願搭如來三字袖 不願皇宮着錦衣

兒厭三界如牢獄 決不將身去嫁人

奴奴若得成正果 普光殿上報親恩

奴在園中無報答。勞煩父帝母親臨

但願自性心花綻 功成行滿轉宮門

奴因生死甘遭難 不敢懷怨惱聖君

皇曰。凡爲人子。不遵父訓。若天誅地滅。千般抗

對。你從那裡學來。許多狐言鳥語。我想那等爲

僧道者。乃是民間懶惰。鰥寡孤獨之流。不能生

理的。改粧異扮。托佛爲由。一槩盡是不忠不孝。

得死罪的浮徒。你學這等作爲。豈不是敗壞國
家。讒辱朝廷。教你招取駙馬。成立帝基。如昇天
富貴。更作麼生。妙善聞言。便答。奴觀金文玉軸
皎然明載。三世諸佛。今古聖賢。皆捨五欲。行大
乘道。成等正覺。普濟天上人間。又見梵皇帝釋
侍佛左右。十種仙人。隨佛化度。九十六種外道
五十種魔王。悉隨擁護。又有國王大臣。士農工
商。老幼男女。皆因出家。俱成聖果。終不然都是
懶惰之流。不能生理的。父皇聞言。默然不語。無

言可答。只得隱忍回宮。同來眷屬。俱隨駕轉。皇
帝回宮。徹夜思量。無計可施。再令妙書。妙音。二
公主。同皇后去勸。

△百舌未休枝上語 鳳凰那肯共同棲
南無觀世音菩薩

皇帝有勅宣皇后 再令去勸女兒心
皇后當時蒙帝勅 十步那容五步行

會勸凡情急似火 誰知聖心冷如水
妙書妙音同母勸 直到園中說事因

從今我兒於此處 阿娘日夜淚紛紛

香山卷一
特勸我兒招駙馬 便同二姊共成親
父母養育恩難報 歸宮可報父娘恩
今朝再不回心轉 果然不是孝心人
妙善答母親曰。承感父母恩深。報答在後。幸有
二姊姊招親。儘可奉終侍老。容奴出家。若得道
證圓通。先度雙親。同生淨土。伏望母親譬如不
生。猶如死了。世人重財色。奴願安心靜。財色亂
人心。靜見真如性。皇后聞言。無話可答。
夜靜水寒魚不食 滿船空載月明歸

南無觀世音菩薩

公主當時忙便答 深深下拜說元因
母親權且歸內苑 譬如死了未曾生
皇后當時無言答 長江狂風翻波浪 誰知船公不開船
大姊妙書回言勸 聰明賢妹聽知聞
孝義全無何見識 今朝受苦為何因
姊妹三人賢最小 父娘偏惜掌中珍
我等順父招駙馬 你心錯見不成人
今被父皇多磨難 累及我等痛傷心

香山集 卷之二 三
不思宮內多快樂。看看瘡閣失精神。

好好回心招駙馬。惜汝花容似玉身。

特勸賢妹歸宮內。順父孝母勝修真。

大姊見妙善容顏不退。加增妙相。正是天生奇
哉。當受苦的女子。你不趁青春。長就一人。老來
方知空自惆悵。不思父皇宮中富貴。只有天在
上更無第二家。住的是萬龍宮殿。金梁玉柱。銀
斗金升行的。是瑪瑙白玉階。道間七寶鋪錦繡。
坐的是摩尼梅檀滴珠。蹲獅睡象。蟠龍繡墊。臥

的是沉香楞金。象牙犀角龍床。并八寶天花錦
帳。頭上頂戴的。都是攏龍飛鳳。百寶珠瓔。身穿
的是上妙七寶麗服。織錦鴛鴦。耀日崢光。口吃
的是百味珍饈。醍醐上饌。遊耍的是千種細樂。
出入的是鸞駕隨身。日日五宴。賽過八洞神仙。
上天只聞兜率好。人間獨有父皇家。我和你三
人受這等榮華富貴。更欲縻生。恰不是你自作
出來。今日受苦。自家知。蜂狂的子。見甚麼鬼。好
好回宮。免教父母憂慮。公主問言便答。

香山卷一
卷一
三
△竹影掃塔塵不動 月穿潭底水無痕
南無觀世音菩薩

妙善拱手回言答 奴心迷戀在園中
樂因苦果人皆喜 苦因樂果絕人聞
天堂有路無入往○地獄無門有人行
姊姊招親如尊便 休管蜂狂下賤人
奴願清貧成佛果 你貪快樂入紅塵
更招駙馬添枷鎖○廣造三塗非業深
造罪之人還自受 閻王殿上沒人情

陰司地獄令人怕 誓不將身伏侍人

妙善答大姊曰。德生於清儉。福生於卑退。智者
信受了明生死。我與姊姊。身同心不同。你自招
夫戀貴。管我蜂狂則甚。奴願離恩割愛。一心
行正道。大姊便罵曰。愚痴下賤。枉生伶俐。不依
忠言勸諫。我知道你。有日要脫無門。受苦在後
二姊上前。再勸未知如何。

△春回非干丹青力 自然柳綠與花紅
南無觀世音菩薩

妙音開言勸妙善 告言賢妹聽知聞

從出宮門無消息 朝思暮想淚潸潸

母親大姊特來勸 依言本分轉宮門

奉爺孝母如天地 勝做無心真道人

好好回宮招駙馬 同歸宮內好安身

妙善見說心不喜 告言二姊聽緣因

皇宮快樂非常久 夢中得寶未為真
一旦無常音信至 此時追悔更何因

大限到來無可抵 盡遭鬼使見陰君

奴奴若是招駙馬 永沉永墮出無門

姊姊招夫如尊便 奴趁青春做道人

天堂有路終須去 無心戀着轉宮門

妙善答二姊曰 蟾蜍無返照之光 玉兔無伴月

之意 妹子探盡龍宮海藏 眾義皆詮 天堂地府

兩相交 任君欲向那方走 天堂路上是我行地

府牢中是你住 妙音聽得妙善之言 面無正色

既不順情 與我無干 任從汝便 母子三人勸他

不轉 只得隱忍回宮 奏上父皇 妙善心如鐵石

實難挽回 他的言語並無絲毫滲漏 安心如泰

山立志如大海。父皇曰。必是妖精。無法可治。遂
即登殿。集諸大臣。文武兩班。選擇賢人。先為妙
書妙音二公主。招取駙馬。朝臣奉旨。便開文武
試場。招賢納士。

△春月秋花無限意。不妨閑聽鷓鴣啼。
南無觀世音菩薩。

此時皇帝昇金殿。宣傳勅下召諸臣。
朕因妙善心邪見。不願招夫做道人。
禁在後宮花園內。冷宮亭內做囚人。

今為二女招駙馬。○先招駙馬早成親。

朝臣朱紫欽奉旨。高結綵樓一時成。

街坊市戶排香案。○風流子弟往來頻。

選得才人能文武。繡毬拋下配成親。

駙馬捧毬登金殿。皇親國戚盡相迎。

畫濁高堂光耀日。二人公主出宮門。
笙簫鼓笛齊相和。銅鑼饒鼓應天鳴。

雙雙左右躬身立。○深深八拜謝皇恩。

滿朝拜罷歸宮內。洞房花燭結成親。

皇帝一日登殿。傳宣正宮皇后。休說妙書妙音。

且論第三痴頑的女兒。不覺已經半載。並無音信。未知如何。着令宮娥姝女。汝若勸得他。轉意回宮。重賞你們。宮娥奉旨。不敢久停。急去如雲。見三公主。下淚汪汪。公主微微暗笑。問諸姝女。何緣到此。揮淚姝女曰。奴等今朝欽遵帝命。特宣公主。速急回宮。招取駙馬。

△白露下田千點雪。黃鶯上樹一枝金。
南無觀世音菩薩。

宮娥奉旨如雲去。飛風竟往後園中。

慌忙一見三公主。齊齊下拜淚淋淋。

奴等在宮長煩惱。並無音信到宮門。

兩公主容顏加妙相。如花似錦貌精神。

△煩請公主歸宮內。奉父皇后見諸親。

正好回宮招駙馬。不須做甚出家人。

公主曰。吾得證無上正覺。能圓成百億化身。具三十二相。八十種好。淨土天宮。想念隨身。能化群品。得到這般時節。便回宮去。姝女曰。既然如是。在此修行。不當隱便。公主曰。因言告知。吾欲

往汝州龍樹縣白雀寺有五百尼僧精進行道
煩汝等與我啟奏父皇皇后嬌娥領命回奏父
皇曰待他自去到好正是因風吹火用力不多
先傳密旨與那尼僧好生說化勸他回來如若
勸他不回重罪不恕兵火燒滅

△虛名萬事波上雪 百年幻影露成冰
南無觀世音菩薩

皇帝勅傳花園內 園中公主未知聞
女官宣傳皇勅旨 恁從妙善去修行

公主聞言心歡悅 低頭合掌謝神明

不擇日時忙便去 開懷歡喜出園門

世間黃金何足貴 一身安樂值錢多
錦繡羅衣都不願 麻衣素服便登程

合宮眷屬齊相送 看看送出大朝門

公主朝殿深八拜 願皇萬歲坐朝庭

八拜國后同天壽 四拜二姊奉雙親

滿朝眷屬都別罷 轉身移步出朝門

合朝文武官員送公主出午門外把絹帛圍遶
花街臣聞古書云孝行爲先奉親事大背雙親

出家是何道理。修何行。奉何佛。只消在宮中。孝皇順后。廣讀詩書。自然通曉。合招駙馬。大禮當然。凡爲人者。衣食爲根本。喫些酒肉。有何妨。穿些綾羅錦繡。得何罪。古人有不出門。而能知天下事者。有一舉成名。而天下知者。有益世文章。以爲帝皇師者。終不然。都是出家奉佛者。平有此忠孝名揚後世。何須出頭露面。被人談笑。防人議論。臣等有罪。愚不諫賢。萬望公主。轉意回宮。只要言行相扶。孝義忠信便了。

△好個絕學無爲子。掘地無端要覓天。

南無觀世音菩薩

合朝朝臣勸公主。且回宮中奉雙親。
不順父母人倫絕。萬世移名忤逆人。
臣等今朝勸不轉。辭官納印出皇城。
公主當時回言答。卿等今且聽緣因。
有勞好言來勸諫。夢中說夢了無真。
任君名傳于四海。難免輪迴生死門。
博學強記聰明士。聰明反被喪身心。

文章蓋世成何用 名枷利鎖枉徒然

不出門知天下事 家中性寶失無尋

一舉成名如花綻 人崩花謝總成空

雖然名揚於後世 魂靈未必得超昇

世上萬般皆下品 惟獨禪門學道真

公主曰。誑人千個易自行。一身難奴。今切思成。必有壞生。必有死嘆。日月如梭。光陰能幾。時不待人。少壯必衰。萬物無常。無計可施。昔古聖人。有超生脫死之方。有見性成佛之法。三世諸佛。

皆是父母所生。個個知文達理。不說在家孝順。而能成道。萬聖千賢。人人離恩割愛。方成法器。古聖尙然如此。何況我乎。凡修心者。一塵不染。如皎月澄虛。但信自心是佛。當來必定成佛。乃琴棋書畫。名利能所。衣紫腰金。高堂大廈。妻子眷屬。象馬七珍。酒海肉山。萬般快樂。皆是世間之富貴。一旦命終。眼光落地。魂入陰司。精神受苦。死屍甚好。棺槨厚葬。春秋享祭。表陽上孝心而已。與死者無干。重添罪苦。廣造三塗業緣。汝

香山卷一
等衆官不信罪福。輪迴果報皆有死患一節。且道。生從何來。死向何去。會麼。既不知此意。盡是夢中之官也。毀汝則嘔。讚汝則喜。重富貴如金玉。輕貧賤如糞土。見人有德則煩惱。見人有過則歡喜。汝好心何在。口平心不平。言清行不清。知書不知禮。非君子之道也。

△大寂定門無肯語 口縫纒開落三乘
南無觀世音菩薩

公主苦口將言說 卿等今日且聽緣因

不知生死輪迴事 夢中花哄度光陰

今日不知明日事 人爭閑氣一場空
世間雖有皇宮貴 那得山童自在眠

滿朝朝官無言答 不言不語沒精神

枉使好言勸公主 任君苦勸不回宮

朝臣自此相離別 回朝奏上聖明君

公主竟自登程去 看看離了本京城

合國親人皆下淚 滿朝骨肉痛傷情

街坊市戶人稱讚 難得公主道心人

逢山遇晚山中歇 遇橋橋畔暫安身

香山卷一 第五十一 三

香山卷
△在路行程都休說 看看來到汝州城
花街柳巷無心看 一心只顧望前程
汝州僧尼來迎接 人人盡讚道心人
國皇嫡親三公主 發願修行到本城
白雀禪寺相將近 躬身舉步入三門
鐘鼓樓上鳴鐘鼓 鐘鳴鼓響應天聞
迎接公主登聖殿 上香祝讚禮三尊
一拜紫金爲本相 二拜僧尼五百人
滿寺僧尼皆稱讚 道言公主不凡人

悟性講理盡通曉

觀其動靜再來人

△必是聖賢重出世

賽過三門一寺僧

公主入寺燒香禮拜而退次第叅禮大眾後乃
知客引公主到方丈行禮茶罷住持開言問曰
賢是國家金枝玉葉荒山盡是庶民女子爲僧
同房共住不當穩便公主答曰學道在心豈分
貴賤住持問云公主莫不是星辰反亂心不由
已不順父皇假名出家特來見僧之過糜毀佛
謗法正是你這等惡人也如何不在宮中招取

駙馬且受盡世風光快樂也不枉過了青春萬
事了當豈不妙哉老僧這裡穿破衲喫薄粥寂
寞淒涼冷清清的有何德處公主曰喫粥心清
爽寂寞寤寐安久聞寶山原有五百尼僧盡是
官宦富貴之家聰明智慧之女知因識果端嚴
洒落少年娘子出家老師若能盡教他們還俗
嫁人奴奴也回宮去住持見說無言可答。

△點鐵成金變則易 推山壓倒是非難
南無觀世音菩薩

公主當時回言答	住持和尚聽緣因
入寺指望同修道	今日全無法眷親
在宮遠聞消息好	緣何盡是夢中人
問君出家爲甚事	雖搭袈裟未是僧
奴因生死來此處	不愛皇宮入寺門
尼僧此時回言答	不是爲僧不志誠
奉汝父皇親密旨	勸令公主轉回宮
公主回朝僧無罪	若不回宮滅寺門
公主自甘遭磨難	累及我等爲何因

香山卷
公主聞言微微笑

始識尼僧道未明

若是空門真釋子

爲法何曾惜幻身

任從皇帝來燒滅

定數當然宿有因

生必有死成必壞

有興有廢不由人

燒滅任皇來燒滅

百歲須當入死門

住持聞言面無正色告言公主汝之見識不合天理終不然爲公主一人累及我等五百尼僧同你受苦不會老僧住院三十餘年未嘗有半點橫事來入山門公主與父皇鬪氣與我山門

有甚相干。公主聞言微微笑曰。自古道。僧有六和五德。乃是僧家之道行也。和尚智窄見識淺薄。身雖出家。心不染道。未知古聖之行。有捨身餒虎者。有割肉飼鷹者。有燃身爲炬者。有捨頭目髓腦肢節手足者。有捨全身求半偈者。但捨身心。證無上道。汝惜身養命。貪戀未除。如此修行。名未成道。若能損己利人。是僧家之本行也。如利己傷人。非釋子之禮也。如今未來燒寺。先自恹惶。想你實無達道之心。住持和尚聞說此

言嘆氣連聲。苦哉苦哉。禍從天上來。虛空須感
應。遂昇法堂。與衆僧共議。未知如何。

△曇華發焰金心露。風送清香不等閑。
南無觀世音菩薩。

住持和尚昇法座。法堂鐘鼓一齊鳴。
兩廊衆僧臨法會。獅子座上說緣因。
老僧住院三十載。雲水相逢勝如親。
誰想國皇三公主。也來假做出家人。
爲此普告諸大眾。將何計策可評論。

座下衆僧回言答。堂頭和尚願開恩。
好好勸他勸不轉。便將辛苦告知聞。
和尚聽從呼妙善。聰明公主聽緣因。
莫道出家多快樂。住持方知有苦辛。
不問金枝并玉葉。那管皇親及國親。
須要捨身如奴婢。低頭下拜奉諸僧。
莫怪老僧來驅遣。也無閑飯養閑人。
與我廚中粗作用。每日供齋五百僧。
出門三里挑泉水。擔柴十里別無人。

香山卷一

厨中辦事要辛勤

碓坊磨所無人替

搬湯送水轉如雲

懶惰遲延無別話
若有一點違情處

竹篋禪杖不容情
趕出不許入三門

住持和尚曰。莫道出家。清閑自在。老僧門下。不分貴賤。皆當受我這裡差使。便去厨中辦事。教行則行。教住則住。小心勤緊。運水搬柴。淘米擇菜。洗碗盪盞。支菜直菓。燒香換水。打掃鋪陳。插花掛綵。鳴鐘擊鼓。接待雲水。諸般盡是你一身自辦。如有一些不中。大的是禪杖。小的是竹篋。

一頓打出山門。這等事體。預先告知。任從尊便。可行則行。公主答曰。甘心自受。盡行不妨。和尚說此事已。隨即下座。

△丹鳳朝陽梧桐下
宿食終不與雞同
南無觀世音菩薩

住持下座乘轎去
現身羅漢福田僧

合寺僧尼迎寺主
送歸方丈各抽身

公主獨入厨中去
並無推辭怕苦辛

火頭行者來迎接
一甌茶罷共談論

萬事交割與公主 小心勤緊莫辭辛
公主情愿甘心受 伏侍僧尼五百人
不論晨昏并晝夜 不恨更長滴漏深
爲因生死甘心受 願脫根塵苦幻身
日間造供并踏碓 夜間挨磨上香燈
接待往來雲水衆 一體相看本寺僧
在此勞碌多辛苦 全身憔悴不成人
願成佛果超三界 任從口內出烟塵
不怨父母僧尼衆 恨自前生作孽深

到此終無番悔意 常生歡喜不生嗔

公主入厨中去粗細作務。盡是一身自辦。如此
勞碌。身體懈倦。口生烟塵。且無怨恨之心。常生
歡喜之意。每告上蒼天。須感應施奴法力。捨身
於此。供給衆僧。若得果證菩提。不負天恩。願垂
證鑒。

△雲在嶺頭閑不徹 水流澗下太茫生
南無觀世音菩薩

上天玉帝遙觀見 莊皇女子受艱辛

當時便傳天勅旨 天符牒下六丁神

先差東海龍歸寺 藏身桶內入廚中

滴水落地金鱗現 捲作龍潭數丈深

遠井忽然焦枯竭 化作清泉在寺門
泉水清滿清見底 在眺下担總滿平

百獸啣柴來滿寺 千禽送菜似烟雲

六丁六甲修齋供 諸般作務是天神

仙人換水鋪薦席 城隍土地上香燈

天龍八部來供給 聖僧菩薩往來頻

並不干涉公主事 廚中端坐不移身

此事公主心歡喜 算來學道不虧人

公主在廚中道心堅固感竈龍神善奏天庭上

帝聞奏大喜勅傳中界三官五岳撥差龍神八

部著令六丁六甲速去白雀寺內代公主之勞

又差東海老龍在廚中開井又令各山走獸啣

柴徧處飛禽送菜諸般作務盡是天神地祇公

主坦然自在合寺僧尼盡皆驚訝不敢隱藏衆

僧曰戒口莫談他短戒身莫隨惡伴機不密禍

先發人無遠慮必有近憂恐有累及不便速急

差人啟奏朝廷

△暗去明來風不露 始終不教墮中邊

南無觀世音菩薩

能事老僧差三個 背撻黃袱便登程

不分日夜如雲去 竟往京都見帝君

途中跋涉都休說 看看去進大都城

身披袈裟頭頂露 懷香上表進言文

自從公主降寺內 任憑苦勸不回宮

臣僧今當該萬死 聖明皇帝赦微臣

苦勸公主渾不聽 罰去廚中伏侍人

罰他辛苦回心轉 誰知妙法動神明

他在廚中端然坐 天龍八部轉如雲

三界神祇如奴俾 戒神五百總隨身

八洞神仙迎茶菓 丙丁童子上香燈

洒掃鋪排懸旛綵 總是伽藍土地神

晨昏鐘鼓無人擊 暮鼓晨鐘自然鳴

自古本山無井水 龍捲龍潭在寺門

走獸嚼柴來滿寺 飛禽送菜似雲臨

杏山卷一
確磨盡是幽冥替

修齋悉是六丁神

臣僧不敢容藏穩
尼僧啟奏情已畢

特來啟奏我皇聞
再聽莊皇怒生情

皇帝早朝。乃見尼僧。二人進奏。表章一道。序班
鳴贊。展開宣讀。皇帝聞言大怒。喝令左右。拿問
當時有旨。著他勸息。這厮回宮。今朝反來。這等
鬼怪妖言。立召統兵。朱葉二侯。火速選軍。起馬
急往汝州。白雀禪寺。團團圍住。寺門放火。掘地
成池。莫存踪跡。武官奉旨。應聲如雷。叩頭出朝。
播鼓鳴鑼。聚集兵將。憾動乾坤。經往汝州。燒寺

滅僧

△任他浮雲飛片雪 一輪皎月印千江

南無觀世音菩薩

武官奉旨來燒寺 領兵起馬動乾坤

路上行程都莫說 看看去到汝州城

汝州百姓來驚訝 滿城兵馬為何因

白雀禪寺相將近 軍兵圍繞不通風

武官開宣皇勅旨 火鎗火箭急如雲

滿寺尼僧并公主 盡皆燒滅不留存

走透一人無條赦 九簇先誅後滅門
軍兵奉旨加勇猛 呼風放火不容情
公主此時心煩惱 合寺受苦爲奴身
奴因誓願爲佛子 堅心學道別無因
今被父皇生惡意 放火焚燒滅寺門
弟子自合遭王難 可惜尼僧法眷親
我佛慈悲開慧眼 施奴法力救僧人
免得本山兵火難 後來不敢負深恩

公士一見火起四方八面烟佈乾坤滿寺僧尼

啼號哭泣叫苦埋冤。公主當時虔誠禱告三世
諸佛。含悲墾白靈山教主。四生慈父。萬德世尊。
累劫修心。六年證道。妙相端嚴。具足神通。我佛
慈恩過於父母。滿大地人。如一子。想弟子。是莊
皇之女。好樂佛法。乍入山門。隨衆行道。因父召
不回宮。故來燒寺。望賜慈悲。證明祈禱。有求皆
應。無願不從。我是莊皇之女。你是輪皇之子。你
離玉殿。我厭皇宮。你往雪山修道。我奔白雀出
家。你是我家之兄。我是你家之妹。普救世間之

苦不除卻小妹之難。抽下竹釵。口中刺血。含血
一口。向空一噴。不知有何感應。

△竹密不妨流水過。山高豈碍白雲飛。
南無觀世音菩薩。

滿寺僧尼哀哀哭。埋冤叫屈恨聲頻。
仰面上天天無路。回頭入地地無門。
衆僧哭倒無魂魄。並無半個有精神。
公主哀訴空中佛。佛須感應救生靈。
含血向空噴一口。卽時發起滿天紅。

青烟化作烏雲起。血成紅雨落如傾。

佛殿鐘樓無損壞。全然不動半分毫。

此時尼僧都歡喜。方知公主不凡人。

軍兵見了齊開口。道言公主是妖精。

回兵轉馬歸京去。從頭逐一奏朝廷。

皇帝昇殿。乃見原差軍兵隨班。共奏。皇帝問曰。
卿等何爲返而太速。武侯隨卽便奏。臣啟萬歲。
未審公主有何法術。初下火時。烟佈大地。砲聲
震烈。目不能覩。耳聞棘擗啼哭之聲。忽然天降

紅雨。火息烟滅。雲收雨散。皓日當空。寺無損傷。臣不敢不奏。皇帝聞言。怒氣冲天。挺立龍床。喝罵如雷。必是妖精。速急多差。兵將枷杻。押赴法場。照樣凌刷。示衆除滅。患害已免。後累殿前武士。奉勅風火驛傳。去拏公主。好是鷹拏。燕雀水底。火發當時。正宮皇后。聞知此事。心膽消烺。連忙直入殿上。號啼悲泣。越班啟奏。

△半夜嶺頭風月靜 一聲高樹老猿啼
南無觀世音菩薩

皇后嚇得心膽碎 徬徨叫屈哭聲悲

徑入前殿開言奏 我皇息怒聽言文

臣妾自知甘坐罪 母子情深不忌嗔

妾今擅自登金殿 大赦寬弘恕罪人

榮妻蔭子傳古典 猛虎雖凶常愛子 酷刑盡法壞聲名 聖君豈有不容情

皇后啟奏曰。妾蒙聖恩。平日眷屬之厚。今朝托契。不顧身命。徑造大殿。乞賜赦罪。所有小女兒。無禮得罪於駕前。臣妾愚撰一計。煩我皇。如有便道之所。立砌綵樓。妾同六宮二女。駙馬百官。

往彼樓上。百般歌樂飲宴。卻拏妙善從綵樓下而過。他見如此富貴。或有轉心之意。免見骨肉生離。未知聖意如何。皇帝准奏。便傳聖旨。勅下朝官。速去南城。外高結綵樓三處。排設祭筵六所。朝臣欽旨。便蓋綵樓。霎時圓成。

△纔知鶴立松梢意。便識魚遊水底天。
南無觀世音菩薩。

披星帶月皇登殿。宣傳勅下眾朝臣。
速結綵樓南城外。志排祭奠祭生魂。

朝臣欽旨離金殿。豎樓掛綵一時成。
武將催兵如風火。如龍似虎不容情。
捉住公主無別話。剝下玄裙赤體身。
先把長枷枷頸上。又添鐵索掛銅鈴。
雙手反縛雙腳鐐。全身都掛紙錢銀。
枷令插旗書大字。逆父忤母極刑人。
牽行押解如雲走。鎗刀前後緊隨身。
軍兵喝聲忙躡路。一鑼一鼓好驚人。
軍兵開言勸公主。順帝招親免禍根。

公主當時回言答 先鋒今且聽緣因
 寧自捨身刀下死 決不將身去嫁人
 看看押來樓下過 合宮齊見痛傷情
 街坊市戶燒錢馬 千家萬戶哭聲頻
 滿宮眷屬并文武 盡來祭奠送人人
 上湯進食鳴琴樂 焚香下拜動哀聲
 三奠酒罷燒錢馬 尊魂享鑿聽宣文

香山簡集卷上終

同治柒年季冬月敬刻

觀世音菩薩本行經簡集卷下

佳眾等至此恭蕭站聽
 系首者出位跪讀祭文

興林妙莊三十六年歲次甲申七月朔越十五
 日乙巳日國親臣等謹以清酌之禮美饌之儀
 敢昭祭於

妙善公主痛念公主淚落汪汪有量吞空無心
 印月行超今古功越大虛星移斗轉物換人飛
 為證無生不順父命青春正當花綻遭風香然
 雲沉燭明光隱強離金闕通赴黃泉命速西光

形同朝露。臣等無以敬別。聊表寸忱。奉送雲程。

亭霑供儀。嗚呼哀哉。伏惟尚饗。讀已俯伏叩首。稱云大悲觀世。

音菩薩數聲。就位。伸偈。鳴尺云。

個中不勞懸寂鏡。到頭天曉自然明。

南無阿彌陀佛。

祭奠告圓。皆下淚。滿城啼哭。痛傷情。

公主坦然無憂慮。歡歡喜喜往前行。

公主開言問左右。哭聲樂響為何因。

軍兵隨即回言答。告言公主聽知聞。

前面滿街排祭奠。盡是朝廷內宮人。

樂音祭奠齊相送。燒香化紙哭聲頻。

可憐公主當年少。法場斬死見陰君。

今日不知明日事。為此安排祭汝魂。

公主被武士擒來。青絲細髮結在柳梢之上。白

玉容顏影在紙錢之裏。油墨塗面赤體無衣。兩

脚鐵鐺。雙手麻繩。軍兵圍繞。刀鎗紛然。一鑼一

鼓。解從絲樓下而過。乃見披麻服的人無數。盡

來祭奠。燒香化紙。公主遂問軍兵。前面為甚事。

當初養兒防身老

誰知今日一場空

十月懷胎徒勞力

三年乳哺不成功

見兒長大心歡喜○捨卻養育慈悲重○

全拜養老送歸終由你千修道不通

今被父皇多磨難

教娘苦屈訴無門

見說差兵來拏捉

如刀割腹取心肝

再不順情招駙馬○青鋒劍下見陰君

依言本分回宮內 留條草命再為人

皇后哭罷停哀問妙善曰我那聰明女兒不思

父母恩心重憐憫無歇時起坐心相逐遠近意

相隨母年一百歲常憂八十兒若知恩愛斷命

盡始分離你在宮中順父招夫有何不可如今

拖枷帶鎖出身露體插旗號令軍兵管押○鑼

一鼓勝如強盜劫賊惶恐累世將何向目來見

諸親目下再不順情你命當歸泉路老身不免

討死好好回心面奏父皇赦你回宮便招駙馬

△山前馬繫普光殿 門外牛纜正覺場

南無觀世音菩薩

公主當時將言答○母親今且聽緣因

不是女兒無忠孝。為因生死逆雙親。

甘捨一番刀下死。高超萬劫出苦輪。

不戀皇宮多富貴。情願要入涅槃門。憑他刀箭分幻身。本性圓明總難分。

從父千般行嚴令。一心不願轉宮門。

假饒留得奴殘命。見人惶恐怎安身。

母子恩情今日斷。他生來世再相逢。

公主答母親曰。奴聞古經云。有愛則生。愛盡則

滅。嘆世人個個貪生。人人怕死。一旦無常。魂歸

地府。鬼王之所。將何釋業。生世虛假。如花上之

露。水面浮漚。似飛塵。荷草。夫妻乃是冤家。兒女

猶如業債。奴勸母親。死苦難免。莫教蹉過早辦

前程。總有孝子順孫。豈能代得無常。若肯捨身

行道。必證佛果。菩提。奴今不願歸宮。招甚駙馬

妙書妙音。見母親勸他不醒。二公主齊下樓臺

苦勸妹子。

△雪裏梅花霜夜月。可憐同色不同觀。

南無觀世音菩薩。

二人姊姊哀哀哭。哭聲妹子不成人。

手扯羅裙揩珠淚

告言賢妹早回心

△好好回宮招駙馬

免得肉體過刀站○

死後豈能重再活

蜂狂討死不知因

命在須臾還不怕

千般巧語答如雲

孝子賢妻名標史

莫學尼僧下賤人

截斷人倫無忠孝

陰陽大禮永埋沉

依言本分招駙馬

留條殘命奉雙親

兩人姊姊哀哀痛哭

淚流滿腮哽咽開言問妙

善曰賢妹為因甚事

迷心狂妄露此一場醜陋

連累我等羞慚惶恐

目下再不順情你命無存

妙善聞言便答姊姊

各請尊便何勞掛懷生死

分定有甚麼惶恐世

人個個貪生惟有奴奴願

死煩姊姊穩便歸宮

不必多言苦勸○

△一語當機明萬法

蚯蚓鑽泥龍上天

南無觀世音菩薩

雲騰晴時隱山脚
二人姊姊勸不轉

水流何曾見回頭
回朝奏上父皇聞

妙善捨身甘自死

無心再活轉宮門

處處官員排祭奠

看看延緩到黃昏

此夜皇后無計較。○回宮不語自評論

殿前勅下如風火。再宣公主問緣因

△軍兵奉旨忙便轉。送還公主進朝門。

拖枷帶鎖回內苑。○銅鈴鐵索響驚人

女官押入歸宮內。冷宮裡面受孤燈

皇后嬪妃哀哀哭。六宮眷屬痛傷情

當夜皇后卽令六宮嬪妃十二院王你每人須

將好的甜言軟語勸那厮回心轉意多重賞你

人皆奉命徑往後宮勸三公主

△春花秋菊各自香。兩條大路任君行

南無觀世音菩薩

嬪妃拜勸三公主。齊聲動哭震皇宮

含珠帶淚開言說。牽枷扶鎖告知聞

養兒防老終身時
情情那日相離別親近雙親勝修眞
朝思暮想痛傷情。○

特勸公主招駙馬。免將肉體過刀砧

走獸飛禽皆成對。爲人豈可不成親

莫學敗家貧釋子。將身自賤被人輕

年少修行非奇特。老來學道始聞名

宮娥去見公主披頭散髮身掛紙錢長枷扭手
灰墨塗面如像鬼囚人皆見之不由人不下淚
哭罷含悲告言公主青春十九如日東昇似花
始開如燈初明似寶方現怎把自己美貌花容
賤如糞土今晚依奴奴等乘此時節因禍至福
招取駙馬。

△雨過山前花增色 風吹水面波自生

南無觀世音菩薩

好言好語齊相觀 勸三公主早回心

山青水綠還依舊 怎把新人換舊人

公主若不招駙馬 沉埋忠孝絕人倫

百歲三萬六千日 年少風光有幾時

不願招親欺天罪 懷心不善攪朝廷
苦勸公主回心轉 依舊本分做宮人

宮娥勸曰少年女子修甚麼行且待七八十歲
耳聾眼花腰跣背曲行須拄杖坐用人扶萬事
不能生理那時奉佛持齋也未是遲特勸公主
仍前整頓舊日鑾駕卧向龍床簪冠帶釵着錦
衣紫嬌娥捧擁姝女跟隨勝如做個道人也且

在宮中招親快樂，又見忠孝兩全，願世和情。如若死後多做些功德，廣排些祭筵，造好坟塋，親子親孫可不奉祀。家廟春秋，遠近忌日，豈無祭掃之禮。那見你去成個什麼佛道，都是徒然。
△未明有說，皆成謗。明了無言，亦不容。
南無觀世音菩薩。

公主當時回言答。高明賢位聽知因。
汝說老來堪學道。無常不問少年人。
金銀珠翠粧骷骨。錦綉羅衣裹臭膿。

三寸氣斷如夢。

死後膨脹爛堆虫。

世上功名成何事。

眼光落地杳冥冥。

好妻好子同林鳥。

九泉路上不相逢。

生前不脩空惆悵。

死後虛設信難通。

金棺銀塚埋青草。

春秋祭掃表凡情。

人人要作千年調。

個個貪謀百歲齡。

可憐世人心不足。

一旦無常萬事休。

骷髏內有真佛性。

骷髏終不嫁骷髏。

今朝識破骷髏殼。

放去收來得自由。

公主曰。大海可竭。泰山可崩。道心進而不可退也。目今正是爲法忘軀時。至豈有貪戀恐懼之心。終不然身不死。永在世間。願求快死。高超三界。免迴六道。凡爲人者。天生最靈。迷號衆生。悟則成佛。但捨身心。皆成佛果。反招一人被他拘束。是何見識。汝等皆有死患一節。那時無人可托。無處可隱。湏是及早自脩自度。方免地嶺之苦。嬪妃聞言。默而不語。恬然而退。

△金風纔動玉露涼

桂花獨占一天香

南無觀世音菩薩

妙善當時將言說
青春正好辦前程
宮中快樂籠中鳥
朝中富貴網中魚
世上萬般皆似夢
吾願脩行學道真
嬌娥姝女無言答
不言不語轉宮門
經登殿前從實奏
我皇聖耳願知聞
公主心堅如鐵石
好語忠言耳邊風
父皇聞奏心煩惱
無法可治怎生論
朕當親自歸內苑
勸令妙善便招人

父皇曰。含珠不吐。誰知是寶。如鐘鼓在樓。不擊不鳴。古書云。父慈子孝。緣父不慈。故子不孝。父子之道。原有反復之禮。朕當親詣。面說告本宗家廟。願宗祖陰力。今晚速要令他回心轉意。招親侍奉。

△任他野狂吼如雷。窟中獅子睡正濃。
南無觀世音菩薩。

水中撈月。空費力。此夜皇帝遊內苑。

刻舟就劍。總成空。入於妙善冷宮中。

父皇親臨開金口。叫聲妙善我兒身。

不遵父命當受罪。極刑重罪做囚人。

△父皇兩眼如珠淚。心酸哽咽痛傷情。

不因二姊用家說。今朝那得轉宮門。

少年若不招駟馬。蹉過青春錯用心。

不知夫婦情懷事。枉在人間做甚人。

今晚好好回心轉。免將性命見陰君。

如今強性還不改。一刀兩段命歸陰。

父皇曰。慈母恩如地。嚴父配於天。不從父嚴訓。

何異畜禽獸。你且聽姊姊宮中。因順父招親如。

今百般快樂。少甚麼神仙受用。你今晚拖枷帶鎖。爲甚麼而來。正是快活不肯受。情願做囚人。

你心何見。不遵古訓。小的子。

妙善聞言。便答。父皇

爺爺昏迷不覺。邪心熾盛。非是有道君皇。爺爺作萬民之皇。一國之主。不能治家。焉能治國。若是天子。有道人皇。焉肯半夜三更。父入子宮。勸女兒嫁人。四海聞知。是何道理。

△馬又不成驢。不是當頭一着。得人憎。

南無觀世音菩薩。

妙善當時忙便答。我皇聖耳願知聞。

百歲光陰如彈石。可信白日迷途客。

區區迷戀爲何因。下呼萬喚不回頭。

飛禽走獸皆愁死。爲人豈可不知機。

草木無情知時節。人將老死替無人。

造善造惡從心造。成賢成聖亦心成。

一棚傀儡觀不足。可憐終有散場時。

國正自然天心順。眞明天子有忠臣。

香山卷一
父入子宮何道理 半夜三更勸嫁人

△真實有令行朝典。速差監斬莫容情

違條犯法甘心死 宣傳再轉爲何因

双今願父刀下死 誓不將身伏侍人

公主曰。寧可須彌山粉碎。大千世界平沉。教奴
招夫。此事莫提。皇怒曰。不識擡舉。教你招夫爲
帝。誠實向上。絕妙好事。思想你的言語。無空生
有。如龜毛兔角。水中之月。鏡中之形。都是虛詐。
公主曰。虛的是實。實的是虛。悟者方知。皇曰。你

是春花嫩草。怎耐大雪冰霜。公主曰。花葉榮枯
根源不昧。皇曰。論你形容嬌細。焉經百煉。鉗鎚
公主曰。幻殼非堅。真性不壞。皇曰。這廝縱然汝
身似鐵。難當刑法如爐。公主曰。出鑛真金。火無
傷。神龍入海。水不鹹。父皇嚴令。旣行。諸侯遵道。
鷄唱五更。君子拱聽。又云。太陽門下。無星月。天
子殿前。無貧兒。父皇不能治家。焉能治國。恰是
大虫裹紙帽。好笑又驚人。女兒身心。各有所見。
苦苦威逼招人。着甚來由。父皇聞言。咬牙反目。

嘆氣如雲怒聲似雷奔登前殿坐守天明斬那
鐵心肝的逆子言不懼死的精靈。

△大鞦爐中翻身淨 鬼面人頭怎奈何
南無觀世音菩薩

父皇聞言心大怒 面如土色氣如雲
忿怒含嗔歸前殿 可怪妖精惱殺人
坐守五更朝馬動 斬令勅下急如雲
若不早除為患害 停囚長志亂乾坤
今後有人來諫朕 先抄家眷滅諸親

國令既嚴無人簡 任從公主赴幽冥
三十三天皆震動 龍宮地府盡知聞
佛眼遍觀知天下 法身全隱太虛中
舒金色臂人不見 白玉毫光照罪人
△劊子將刀提在手 掙眉怒目咬牙噴
雙手着刀輝一劍 頂上毫光綻紫雲
只道公主臨劍死 誰知自在笑顏容
是軍是民皆歡喜 同聲同讚不凡人
蒼天有眼空中保 儼然不損牛毫分
監官劊子心驚怕 果然公主是妖精

立地回朝當殿奏 我皇赦罪聽緣因
皇帝見奏龍顏怒 拍案高聲便轉嗔
刁劍若還除不得 這廝精靈惱殺人

皇帝聞奏振頭抗耳魂膽消烱若是刁劍不能
治他果是精靈當與朝臣共議設法誅滅以免
後患公主聞知禱告虛空容奴一死免與父王
闔氣惱亂心腸天下萬姓不安是奴之過也發
願未了佛天感應令他不知痛苦如燈火滅削
子便把弓絃絞定咽喉隨即氣斷命終當時山

崩樹倒禽獸狂奔悲鳴海乾河竭龍魚無隱天
昏地暗日月無光滿空駕雪萬類成霜海角天
涯本國他邦聞知公主遭刑而死個個悲哀人
人慟哭。

△任使鉄輪非干已 定慧圓明樂自然
南無觀世音菩薩。

莊王絞死三公主 哭動千千萬萬人
皇后哭得肝腸斷 合宮眷屬痛傷情
可憐公主當年少 滿朝文武淚潸潸

香山卷一
三
天上天神皆悲泣。○地下地祇盡傷心。

地動山搖驚人怕。街坊巷陌絕人行。

走獸飛禽惆悵苦。猿啼鳥叫哭聲頻。

監官因見公主死。○喝令亂箭作泥塵。

箭箭須射心肝上。全身皮肉莫留存。

△道言木了天昏暗。八方起霧滿天雲。鳥風猛暴天地動。鬼哭神嚎衆人驚。

見一猛獸花斑虎。過頭三跳大驚人。

啣拖公主歸林去。立地回朝奏九重。

監官回朝奏上君王。臣欽勅差。綁公主。卽赴法

場統死。欲令箭射馬踏。忽然天昏地暗。見一猛

虎將公主屍靈拖入逝多林內而去。臣不敢不

奏皇帝聞言。龍顏大喜。朕心合天心。不忠不孝

合應除滅。皇問曰。何爲逝多林。臣答云。是一片

荒山官地。凡有死屍無人埋葬者。盡拖於此處。

與鳥食。獸食。皇曰。勞卿神力。解朕寬懷。

△凡情脫落聖意真。如金出鑛月離雲。

南無觀世音菩薩。○

休論莊王心大喜。且說公主赴幽冥。

靈光透出歸陰界。不顧幻體那邊存。
半陰半沉如夢去。知是何處甚鄉村。
是何州縣奴不識。恩量眼淚落紛紛。
弟子若有修行分。虛空感應指途程。
發願未了雙流淚。哀哀動哭。兩明
忽見童子多容貌。髻挽青螺兩垂鬢。
手執幢旛來引路。公主一見問緣因。
△童子拱手深深拜。低頭軟語告知聞。
我是善部青童子。奉王勅命特來迎。

善人須用童子請。惡人貫滿夜叉勾。

煩請公主歸陰府。冥陽殿上見陰君。

公主見說。不覺失驚。你是陰司之人。來我陽間。則甚。童子曰。此處正是陰司。公主曰。我因何得到陰司。童子答曰。公主因不肯招親。却被父王絞死。故到陰司。久聞公主。大慈大悲。道風高超。三司啟奏。十王喜見。普傳勅旨。特來迎請。不須驚怕。即便登程。公主始知。命歸泉路。

莫道生前無報應。誰知死後有分明。

香山卷下
南無觀世音菩薩。

公主方知歸陰府 恹惶兩淚落如傾
杳杳冥冥知何處 沉沉路遠可傷情
童子持旛來引路 自隨童子往前行
先過鬼門關一座 鉄人見此也心酸
阿鼻嶽城高萬丈 鉄圍幽暗絕光明
三司案前無私曲 十八獄主没人情
又見鉄床銅柱獄 刀山劍樹白如銀
△鑊湯爐炭驚人怕 寒氷鋸解怕殺人。

業鏡臺前親照出 絲毫罪犯不容情
萬劫死生誰動念 百年身世獨傷神

男女鬼囚無萬數 號啼哭泣如鵝鳴
思量地獄千般苦 誰人免墮不經臨
又到破錢山下過 枉死城中見尼僧
埋冤叫屈來扯住 累及我門早亡身
汝出三界先度我 與君兩息別無因
公主當時開言說 尼僧今且聽緣因
自古有生還有死 只爭來早與來遲
若要未經閻王手 須是真空大定人

善部童子引公主。過破錢山。枉死城中。撞見數
個尼僧。一把扯住。高聲叫言。我等被你連累。屈
死墮此。受苦無奈。公主曰。我和你昔日無離。今
日無冤。生死限定。數到形崩。善惡果報。還自受
於我。何干。尼僧曰。從然如此。望師慈悲。救度超
生。

△迷時冥冥有六趣。悟後空空無去來。

南無觀世音菩薩

回頭便是西方法路。只要當人願力。眞
公主。當時願發願。願度尼僧出苦輪。

弟子若能成正果。十方諸佛降幽冥。

發弘願已卽感應。紅白蓮花開滿城。

地藏菩薩開言問。善哉公主爲何因。

公主禮拜時便答。低頭合掌告慈尊。

多感我師親降赴。鄂都界內現金身。

惟願尼僧離地獄。逍遙快樂往天廷。

公主發此願已。忽見光明洞耀百樂齊鳴鄂都

界內。純是紅白蓮花。閻王殿上俱現五色祥光。

爾時地藏菩薩坐摩尼寶座。放大白毫。照破地

香山卷下
獄夜叉拱手。獄卒叩頭。公主殷勤作禮。白言大
師弟子初出家時。所屬之寺。名曰白雀。因不順
父命。故來燒滅。驚死數個尼僧。是弟子之過也。
望師慈悲救度。生方。尔時地藏菩薩聞是語已。
卽時引領尼僧。速歸淨土。

△回頭便登菩提岸 不懼陰司鉄面郎
南無觀世音菩薩

地藏菩薩昇空去 尼僧足下便生雲
此時公主加精進 便隨童子往前行

酆都化作逍遙境 地獄變成快樂宮

十八獄王齊來接 三司案典盡相迎

△橋畔孟婆迎茶菓 三盃茶後越精神

橋下罪人聲叫苦 是何州縣那鄉人

監橋使者躬身答 盡是陽間作業人

富貴只道長在世 瞞心昧已害良民

不信陰陽欺天罪。造業如山罪不輕

生前並無絲毫善 如今受苦悔無門

死後別無功德力。未能得去見陰君。
公主親登橋上觀看四面。有時聽得悲啼哭泣。
有時聽得百樂喧天。遂問童子曰。何以哭樂之。
聲童子答曰。樂者十王殿內之樂。哭者奈何橋
下之哭。公主見說。玉手倚欄杆。慈眼觀橋下。果
見男女鬼囚。千千萬萬。乃發願云。度盡鬼囚。方
證菩提。作是念已。忽見五色蓮花開滿橋下。罪
人見已。合掌歡喜。便登彼岸。拜謝而去。
一超直入如來地。天堂地獄總無干。

觀世音菩薩

此是罪人超生去。奈河化作寶蓮池。
監橋使者飛星奏。幽冥殿上說元因。
陽間有個莊皇女。名稱妙善不凡人。
佛部差來遊地府。願力無邊莫比論。
△親自遊從橋上過。度盡河中孽罪人。
閻王見奏龍顏悅。宣傳內苑出來迎。
公主慈光超陰界。鉄圍幽暗洞然明。
錢湯變成功德水。刀山化作百花林。

全仗公主慈光照
馬面夜叉皆歡喜

獄中罪人盡超昇
牛頭獄卒盡相迎

有時聽德歌吟者

有時聽得樂聲頻

未知此處何緣故

問言童子為何因

童子躬身時便答。○告言公主聽緣因

歌吟鬼囚離苦趣 逍遙快樂往天廷

面前便是閻王殿 閻王殿內樂聲頻

公主見說心歡喜 將身經入正陽門

公主與十王嬪妃同翫 鄩都是諸夜叉盡化仙

童玉女一切地獄皆成天堂 聖境十王大喜請

留供養嚴潔道場鋪陳法座 聞經受戒出離鄩

都公主允請登臨寶座 教諸鬼眾齊赴法壇清

淨三業聽受五戒 五戒既受永為佛子汝等若

能齋戒一日勝積黃金三兩 後受清福一年再

能轉勸一人念佛者勝造七層寶塔 是人命終

之後彌陀親自接引 往生極樂悟無生忍我今

普勸陰宰總權冥府何日了 廉明治案幾時休

平等法中起自他想覺性圓明證無上道 是諸

王官聞法語已勅下諸司 普放鬼囚皆來聞法

△却來端坐閻王殿 有時獨立竒高峯
南無觀世音菩薩

此時公主登法座 聞經受戒得超生
公主說法由未了○殿前擂鼓兩三通
掌判陰官齊來奏 朝王入拜進言文
自從公主陞法座 救盡酆都衆罪人
勾來新鬼都放轉○善惡沉埋不能分
苦留公主長在此 閑却三塗地獄門

左酆都界內登座說法聽者無厭忽然

塗大臣十八獄官共登幽冥殿上啟奏十王
自從公主到此不成陰府諸般刑具化作蓮花
一切罪鬼悉放超生自古有天堂則有地獄善
惡果報理合昭然若無地獄誰肯脩善臣等不
敢不奏伏望我王早送公主速轉還魂閻王准
奏便傳勅旨牒下諸司送三公主轉還人世
△閻王點頭暗會道 夜叉開口便知機
南無觀世音菩薩 ○

閻王聞奏龍顏悅 宜召牒下急如雲

諸司曹官登時到 幽冥殿上聽緣因
閻王當時開言說。陰宰鬼判聽分明
陽間有個莊王女 名稱妙善不凡人
發願特來遊地府 救盡三塗衆罪人
十八獄官前來奏。莫留公主在幽冥
公主在此三七日 屍靈未審那邊存
寡人宣卿別無事 送出公主轉還陽
閻王曰寡人宣卿因無別事將那生死簿來看
判官隨即捧上文冊王乃逐一細看果見公主

名姓已在簿中。年至十九。合遊地府。勅差殿前
鬼判速排鸞駕。送三公主各主嬪妃。同送公主
遇奈河橋畔。引至屍所。各回宮殿。

△無限浮雲風捲盡 一輪明月照乾坤

南無觀世音菩薩

宣完公主遊地府 再表還陽一段情
閻王勅差排鸞駕 一時起馬便登程
幢旛寶蓋前引路 王妃王眷後隨身
馬面牛頭齊相送。夜叉獄卒兩行迎
送至奈河橋南岸 拜辭公主各回程

公主此時歸陽界 仙童仙女轉幽冥
公主上過金橋往至前途忽聞百鳥聲頻又見
大硃紅門頂天立地關鎖自開轟聲如雷卽時
八魄還魂猶如半天拋下頂帶弓絃一時掙斷
如夢覺醒方知自身卧在林樹下仔細沉吟竟
不知是何方所心中恐怖意裡恓惶悲淚哽咽
兩淚如珠哀哀慟哭

△死中得活事非常 密用還君别有長

南無觀世音菩薩

休說冥府陰司事。且說公主再還魂
公主身卧林樹下 轉身移步骨酸疼
擡頭舉目觀四面 見皇宮殿見皇城
發願要出三界路。何期今日再還魂
違條犯法甘心死 教奴那裡去安身
無山可居行佛道 無林可隱辦前程
太白金星親觀見 星飛如箭下凡來
九霄雲內將身化。化作人間一老翁
頭戴一頂逍遙帽 身穿一領皂羅袍

手執一條過頭杖。胸中懷本百般經。
叉手近前開言問。少年娘子爲何因。

公主將言時便答。先生今且聽緣因。

公主還魂。噓嚩之間。顧瞻四方。乃見父王京城
宮殿如雪上加霜。似苦中添苦。自恨天濶地窄。
思量無處安身。心悶惆悵。煩惱恹惶。哽咽憂愁。
兩淚交流。往至前途。見一座山。方闊平正。欲登
山上。忽見有一公公。立於巖畔。開言叫聲娘子。
何來。公主對曰。奴欲在此結菴脩道。守過時光。

先生曰。妙哉妙哉。娘子若在此山居住。小生與
娘子。常在於其中。經行及坐卧。同氣與連枝。且
喜不求而自至。天生一段好姻緣。我今與你。結
成夫婦。合配陰陽。同脩到老。豈不樂乎。公主聞
言便答。先生言不合理焉。可其語哉。男女有別。
草木無雙。脩行若不斷恩愛。淫心未除。縱然得
悟。名爲淫悟。雖經百千劫。終不成佛道。先生含
咲回言。吾非凡人也。乃是上天帝釋。因見公主
至此脩行。本山原有惡龍一條。其形長大。臭不

可聞出入驚人。不堪修道。吾今指汝福德之地。惟有本國惠州澄心縣山號香山。今古隱仙之所。左邊獅子吼。右邊象王聲。梅檀峯頂。滿目梅檀。紫竹林中。一概紫竹。不悞公主安身養道。公主見說。躬身下拜。問彼緣由。

△獨行獨步無拘束。得寬懷處且寬懷。南無觀世音菩薩。

多感帝釋親降駕。將身出現下凡廷。果實有個名山所。從頭逐一顧須聞。

先生拱手回言答。金枝玉葉聽緣因。

州號惠州澄心縣。山號香山天下聞。

白雲閒處名仙地。百花林內淨無塵。

△那方萬姓更能善。並無半個不良人。

金寶在地無人拾。太平晝夜不關門。

無寒無暑常如此。有花有菓永長春。

伏願公主成正果。三界路上度羣生。

公主見說心歡喜。不分晝夜便登程。

公主見說心地朗然再問先生。到彼有多少路。

香山名 卷下
程。先生曰。路途非遙。止有三千餘里。公主曰。路程三千猶是可。腹中饑餓實難行。只恐力不自勝。在路延緩。先生曰。吾有長生休糧丸。可用一服。公主答言。止願成道。不願長生。先生便向衣袖中取出仙桃一個。大如金瓜。送與公主。此桃非是凡間之桃。是上界歡喜園中之桃。吃者四時無飢。八節不渴。行路身輕。又無寒暑。公主拜謝。各往雲程。

△碧天皎皎無雲障 清風朗朗月光新

南無觀世音菩薩

先生回宮朝金闕 辭別公主往天廷
漸漸昇空登雲去 看看公主也登程
獨行獨步無人伴 過一程時又一程
弓鞋三寸難移步 登山涉水獨自行
日間金烏爲奴伴 夜間玉兔伴我身
仰面看前前途遠 回頭顧後後無人
在路行程多辛苦 祇生脚底痛傷心
玉皇大帝親覲見 便傳勅令赴雷霆

先差九天遊奕使 次牒香山土地神

身變錦繡花斑虎 搖頭擺尾出山林

上天玉帝勅下香山土地遊奕使者扶侍公主
往至前途此時公主行路辛苦身體懈倦欲坐
山下忽見一猛獸努目哮吼驚天動地仔細看
之乃是虎也公主近前曰吾是不孝之女曾入
陰司再得還魂如今欲往香山隱身脩道自嘆
宿緣淺薄凡有所爲皆不稱意今遇汝便將身
濟汝之饑任從飽飡虎乃聞聲蹲身如猿便作

人言吾乃香山土地奉上帝勅差擁護公主不
須驚怕任便乘騎公主聞言朝天拜謝隨即坐
虎背上合眼須臾便到香山懸崖洞中乃見群
虎數千咬木啣石遮蓋四圍山神土地衛護八
方猿猴獻菓百鳥含花龍象奉隨神鬼欽奉人
天交接兩得相見自此公主逍遙自在對境心
空聞聲悟道正是青松帶露盡是真如白雲載
月無非般若往來者皆是諸佛菩薩奉禮者悉
是羅漢聖僧鳥飛兔走不覺已經九載矣

△幻殼脫出如如在 方知不涉苑生關
南無觀世音菩薩

公主高隱香山上 洞中春色異人間

處處艸木開花接 山山巖石吐香迎

無數戒神常擁護 仙童仙女從天降 ○天龍八部盡隨來
獻花獻菓下雲層

六方六佛為眷屬 千賢萬聖作四隣

菩薩聖僧常為伴 雲遊四海往來親

花紅柳綠經九載 ○道風高布十方聞

白雀寺中消息斷 未知何日再相逢

公主初登香山靜坐 岩室中一塵不掛深入禪
定不求諸聖不昧已 靈不以聖凡情解而起分
別不以善惡境界而 生愛厭但屏一心默然休
究自性相源念茲在 茲便得全身輕安睡魔無
侵偶聞猿啼谷鳴神 識自在廓然頓脫心法雙
忘各曰觀世音始識 有相身中無相身回光返
照證圓通公主曰不 是曰雀寺中之因焉有今
日成正之果舉心動 念天地皆知

不因這番親踏著 沉埋優鉢一枝花

南無觀世音菩薩

公主方起心思忖

白雀土地便知聞

莊皇已會生惡意

放火焚燒滅寺門

伽藍興雲昇上界

三天門下進言文

獨奏莊皇前情事

叩頭伏地訴緣因

三界上帝聞說奏

○整冠扶帶喚聲頻

便差值日天使者

傳令符命普天聞

玉皇上帝開言說

滿天真宰顧知聞

凡間有禍興林主

○風狂顛倒不知因

毀佛滅法除僧道

○合應監察召天神

三十三天都發怒

並無一個肯容情

玉帝符命普召九天共議莊皇無道削除三寶

犯罪不可輕恕勅差瘟部行病使者送病與劫

莊皇患生迦魔羅疾折福現受報瘟部欽指不

敢久停風馬雲車竟往人間正是福緣善慶禍

因惡積天網恢恢報應甚速

善惡到頭終有報只爭來早與來遲

南無觀世音菩薩

香山卷一
吳天上音親納奏。天曹六部其評論。
可怪莊皇無道理。焚燒寺院滅三尊。
生當坐罪迦魔疾。死後永墮鐵圍城。
捉住莊王鞭三百。通身亂打莫容情。
先付酸疼寒熱病。次將惡疾裹纏身。
速差玉瘟歸下界。奉天勅命急如雲。
乘雲駕霧來送病。興林皇帝未知因。
此時莊皇昇金殿。瘟神見了自評論。
莊皇生得非常相。威容挺直勢如龍。

曉月殘星光未隱。一時轉變病臨身。
日日帶病登金殿。文武朝臣盡喫驚。
通身皮肉流爛落。滿宮臭氣不堪聞。
往古來今無此恙。任點諸方病轉增。
此時瘟神歸天界。莊皇病苦永纏身。
莊皇初病來時。渾身寒熱頭目沉重。百骨酸疼。
後來皮風燥痒。遍身迸烈。膿流血淋。臭氣遠徹。
滿宮恐懼。個個嘔惡。人人翻叶。嬪妃彩女。盡皆
推托不肯侍奉。公主駙馬。掩鼻遠行。怕見近前。

正是問卜求神神不靈。祭祖服藥藥不效。單有
皇后時時不離床枕。有力無用。皇乃每日帶病
登殿。看看全身踢爛。未經一月。手拳脚曲。滿頭
生瘡。眉鬚墮落。皮肉生蟲。瘡肉痛。耳塞鼻塌。
眼突牙蛀。蜃露舌大。指節寸斷。平天冠。引青蠅
袞龍袍。花斑爛。寶簡玉帶。染膿漿。雲頭履鞋。盛
血。鑿御體。看看厓殘。病患時時沉重。癢時癢疼
骨髓痛。時痛拔肝腸。自此萬般不喜。金銀寶貝
恠如牢獄。羊羔美酒。恠如糞土。錦繡龍袍。恠如
枷鎖。百般細樂。恠如啼哭。象牙龍床。恠如刀劍
宮妃彩女。恠如蛇虎。一日一夜。如過千年。狂惶
號哭。驚天動地。眼耳鼻口。膿血交流。動轉艱難。
痛不可忍。方纔不能陞殿。未知宿何冤業。至受
斯瘥。觀此病症。實可憂懼。傳令出榜。遍召天下
名醫。能醫此病者。任意陞賞。此時香山公主佛
眼。觀見脫却幻軀。現真法身。碧羅仙洞。駕雲而
出。觀世間音。尋聲救苦。

香山卷下

特地討場煩惱道
知恩者少負恩多

南無觀世音菩薩

皇帝出榜朝門掛。香山公主便知聞。
脫却幻軀將身現。化作人間一老僧。
頭戴一頂破僧帽。身穿一領衲道袍。
滿面生瘡令人怕。背包袱杖出山林。
霎時便到皇城内。揭皇金榜奏緣因。
老僧能醫天子病。不勞一服病除根。
把門官軍呵呵笑。好喚顛僧患在身。
自臉生瘡不能治。有藥何不醫自身。

天下名醫無萬數。除滅多少有名人。
看你不是高妙手。吞天大膽入朝門。
好好掛還金榜去。免傷性命見陰君。
國法嚴令無面目。不啻僧道及俗人。
和尚近前開言說。相公諸位聽緣因。
四百四病人人有。般般病症有原根。
有方無藥難可治。無方有藥可評論。
貧僧若無如此藥。緣何敢入大朝門。
布袋包珠人不識。錦囊盛糠要賺人。

且說今時休說古 權與山僧奏聖君

守門官軍呵呵大咲曰這厮顛僧不知在那裏撞將來正是乃不知死活的漢子朝廷國家不是你翫耍的所在道言未了便叫長老你且來古人云僧來看佛面我和你好好說本國多少翰林學士高手醫官尙且醫皇不效好笑你自家臉上爛瘡尙不能治何以救人我想你是一個潑皮和尚顯見只來討死好好掛還金榜速急便走等些時節將軍掣住你命難饒僧人咲

曰諸位相公何故嚇人老僧自幼出家周遊七十二國但有纏身惡病及死屍骷髏不勞靈丹一服病除根本骷髏再活上國爺爺雖染這些病症各有來由莫咲化貧僧面瘡有方無藥君皇染症有藥無方上直官軍曰這和尚說得十分有理星飛啟奏引見君王

水向石邊流出冷 風從花裡過來香

南無觀世音菩薩

上直將軍歸大內 金鸞殿上奏明君
八拜叩頭呼萬歲 直言奏上帝皇關

外邦有個禪和子 身長丈六不常人
肩拖六環金錫杖 體掛如來福田衣
口誦梵音無人識 百般摩尼手內輪
杖懸藥包葫蘆子 馨香撲鼻滿皇城
頭面生瘡難猜惻 好言好語可中聽
道言能治諸般病 慣遊湖海有名人
他在外國來見聖 朝門揭榜進朝廷
未敢擅自登金殿 預先啟奏我皇聞
皇帝聞奏龍顏悅 擎拳拱手謝朝臣

敢是聖僧來救朕 高陞大賞不忘恩
時乃上直將軍請旨定奪欽取進朝皇帝一見
大喜請問和尚受業何處答曰臣僧得業樂邦
行道幾載乍入叢林方得九載令師何人臣僧
本師號爲悉怛多汝師何諱臣僧賤名普怛囉
汝醫何人傳授曾見藥王藥上皇又問曰朕今
染病可醫治否臣僧能醫合應察脉看病行醫
皇乃便賜綉墩僧人坐下良久云察脉便知不
須憂慮

囚病出體三身顯
心花開敷萬法明
南無觀世音菩薩。

△須知苦樂原同體
禍福由來總在人
皇帝見奏龍顏悅
安非蓬安待僧人

醫得寡人身安健
金銀玉鉢謝師恩

山僧躬身時便答
先須察脉便知因

皇舒龍臂僧胗脉
察此病症不非輕

我皇若要龍軀健
三般妙藥病除根

君王見奏心大喜
高僧快說我知聞

△和尚當時回言答
我皇聖耳聽緣因。

自古藥醫不死病
從來佛度有緣人

此藥街坊無處買
諸處有舖未曾聞

須用不噴人手眼
合和靈丹病除根

莊王見奏龍顏怒
喝罵如雷左右聽

與你黃金千萬兩
誰肯將刀割自身

痛痒一般皆愛惜
除非木石不生嗔

喝令左右挈斬了
沿街碎剮示眾人

妖言煽惑無條赦
欺君誑國罪非輕

皇帝見奏面如鏡色
眼如火箭氣似烟雲
喝罵

如雷把那顛僧及引進官員。一概與他照樣凌
劇。從古至今且如最苦之人。百病纏身。衣不蔽
形。食不充口。倒卧街巷。下賤乞兒。尙且愛惜身
命。問他肯捨手眼。不生嗔恨否。僧乃含嘆奏曰。
龍軀少安。萬事容耐。臣僧昔受具戒。效古佛行
化。一言半句。必有來由。若無如此之人。焉敢啟
奏朝廷。皇曰。此人住何州縣。姓甚名誰。朕當欽
召。殿前問他肯捨手眼否。如不情愿。怎生是好。
僧乃嘆曰。終不然。是個無手眼的人。來見天子。

△解得一些轉身力。合頭頭物物本自然。
南無觀世音菩薩。

山僧躬身時便奏。我皇息怒聽緣因。
今有不嗔人現在。香山守道數年春。
此人忍辱無嗔恨。常生歡喜不生嗔。
皇帝見奏龍顏喜。擎拳拱手謝僧人。
朕今若得身安健。黃金殿上報師恩。
此去香山多少路。用何財寶與他人。
山僧拱手時便答。他重脩行不重金。

止用梅檀香一盒。菴前禮拜告仙人。
皇曰：果有此人，未可全信。着令力士將軍帶在
門下，謹防左右。聽旨定奪。問他此去香山多少
路程。僧曰：此去香山約有三千餘里，不勞鋪馬。
登程便到彼處。州號惠州，澄心縣，山號香山。自
有仙人居山，此人心堅如鍊石，世間金銀所不
欲，不貪名利，永絕塵緣。能捨幻軀，如脫垢衣。伏
望我皇差一官僚，湏用勅文一道，寶香一盒，竟
往求告。那仙自然喜捨。皇帝聞奏，大悅。便差劉

欽星飛而去。

△肯信接木便生花，多少聰明未到家。

南無觀世音菩薩

皇帝勅差劉欽白。寡人染症，不非輕
幸有僧人來救朕。奇方妙藥，有處尋
湏用不噴人手眼。和合靈丹救寡人
勞卿與朕香山去。專求手眼叩仙人
劉欽蒙旨如箭急。不敢推辭論苦辛
叩頭退朝星飛去。揚鞭上馬便登程。

途中萬事都莫說。且話香山紫竹林。

山中百花开似錦。頻伽鸚鵡鬪聲頻。

萬聖千賢常聚會。談玄講教別無因。

劉欽直入菴中去。○仙人端坐不移身。

劉欽一見心歡喜。朝袍掛體把香焚。

胡跪高聲宣勅旨。大仙今且聽緣因。

聖旨朕聞大仙久隱幽谷。道風高超名布乾坤。

天人欽仰。凡聖交泰。慈愍四生。愛如赤子。病君

建立興林。大國四十五載。天下和平。與民同樂。

未知有何冤業。忽染一瘥。任點諸方。並無寸效。

今遇僧人。儼點藥材。合用不嗔人手。眼方能成。

就伏望大仙大喜大捨。朕若病痊。不忘報德。故

勅。

△剗剗如常秋風至。無意涼人人自涼。

南無觀世音菩薩。

劉欽開宣皇勅旨。伏祈仙人慈愍。雙手高抬向頂門。施臣靈丹轉朝廷。

仙人聞勅容顏喜。莊皇染病不須憂。

五百世來為忍辱。不生怨恨不生嗔。

任從將軍來割去

只願君皇病離身

劉欽叩頭便下手

拔出青鋒白似銀

此時仙人聞言便許將左邊手眼奉獻君皇劉欽蒙許不免動刀而割初下手時鮮血迸流後乃如割梅檀寸寸是香就將手眼金盒盛貯拜辭仙人徑直回京。

△這番聲價弗依係黃金殿上更有誰

南無觀世音菩薩

劉欽取得仙人藥。不勞多日便回京

登時直入皇宮內君皇一見問來因

劉欽躬身時便奏我皇聖耳願知聞

臣今取得仙人藥果然歡喜不生嘆

便請和尚來合藥霎時圓成獻明君

君皇服藥經一宿龍軀半效半纏身

左邊完全如舊日右邊不減半毫分

皇帝請問高僧曰緣何朕患不除根

山僧當時回言答不是僧人不志誠

一邊手眼一邊效全身手眼效全身

我皇若要前身效。除非再去叩仙人。
莊皇見說龍顏喜。便傳勅旨召劉欽。
劉欽再蒙君皇召。拜辭皇帝出朝門。
快馬如飛登程去。山高路遠不辭辛。
看看去到香山上。神仙聖境永長春。
隔林遙觀相將近。劉欽一見喜精神。
下馬捧勅歸菴內。焚香明燭表凡情。
八拜叩頭開勅旨。高聲宣讀向仙人。
聖旨朕蒙大仙喜捨左邊手眼左邊病效。今以

右邊不減分毫。朕今負罪。不免再叩。大慈悲念
朕若病痊。處處建蘭若。家家立真像。獨尊大法
流傳于世。本國及他邦。年年進香燈。歲歲供花
菓。伏望大仙大喜大捨。故勅。

△有水能含秋夜月。無山不帶夕陽雲。
南無觀世音菩薩。

劉欽宣勅方纔罷。朝仙八拜告仙人。
願師慈悲親憫鑒。我皇終不負師恩。
仙人聞言微微笑。將軍不必苦多吟。

香山卷下
全身捨命渾不顧。只願我皇病除根。
仙人曰。右邊手眼再獻君王。纏身惡疾速使消。
除。上祝皇帝。身如藥樹。萬病無侵。永鎮山河。不
老長生。劉欽蒙許。不免動刀而割。便將手眼鏡
袱包藏。如雲勢轉。

△寂照雙忘觀自在。返本歸源證圓通。
南無觀世音菩薩。

劉欽取得仙人藥。叩頭百拜出菴門。
飛鞭上馬如放箭。上山落嶺勢如龍。

在路風霜都休說。遠觀相近帝皇城。
馬倦人困天色晚。權且官驛暫安身。
坐等五更歸宮內。朝袍官帶進朝門。
便將手眼親奉上。雙手擎擡說事三。
仙人喜捨傳祝讚。願皇病患永除根。
鎮掌乾坤長不老。如天帝釋坐龍廷。
皇帝見臣所奏。呵呵大笑曰。天生這個好人。又
見其手眼擎拳合掌。朝空拜謝。著令光祿寺茶
飯好生看待。劉欽便宜和尚合藥。僧乃就將手

眼金盒成貯。捧入內宮。與皇后嬪妃。共觀一面。且看如何。

△移下一天星斗月。荷風擺動錦山川。南無觀世音菩薩。

捧入宮內昭陽殿。叩頭獻上正宮人。皇后仔細親自看。見仙手眼甚分明。仙人手有千輪相。三十二相罕曾聞。不見手眼由是可。因見相像痛傷情。我兒手有千輪相。手眼都來像十分。

妙善未知歸何處。除非夢裡得相逢。皇后哭得肝腸斷。哭聲噎死在宮門。闔宮眷屬皆下淚。送仙手眼出宮門。休說皇后聲哭死。且聽回來奏明君。僧人合藥親進上。病源藥對便身輕。皇帝服藥經一宿。遍身病患盡除根。此時皇帝龍軀健。太平金榜掛朝門。丹墀詔告宣勅諭。寡人得命再還魂。天賜聖僧來救朕。是朕前生宿世親。

獨宣劉欽加官職 封侯拜將不非輕
 多賞金銀并寶貝 錦衣玉帶號忠臣
 滿朝朝官增俸祿 大赦洪恩放罪人
 勅傳天下諸州郡 盡持齋戒誦經文
 拜請醫師登金殿 九龍床上禮師尊
 多感國師親降駕 聊表今朝朕虔誠
 皇帝與朝臣共議 朕今得命非常 乃是死中再
 活 似寒灰發焰 如枯木生花 天差天醫 感恩非
 淺 是朕宿世父母也 朕當詔告天下 大赦罪人

權且正殿為 講堂 暫把龍床為法座 鋪設道場
 勅賜和尚號 大寶法王 鎮國禪師 皇天之下
 一人之上 文二 兩班禮為帝師 和尚曰 臣僧不
 願如此 可念 香山仙人割捨手眼 若有報恩之
 念 親詣香山 面謝一回 和尚言已 昇空而去
 △鶯啼鶴鳴 鸞鳳舞 箇中能有幾人知
 南無觀世音菩薩

和尚飛錫勝 空去 空中傳語 國明君
 脫苦身 輕休 忘苦 得恩 恩處要 記恩
 吾是普門觀 自在 特來救汝病除根

從此真心行聖道 莫使靈真染色塵
乾坤尚有更變動 浮漚塵世豈長存
脩羅方嘆天正樂 鬼神愁苦鳥懷悲
惟有人倫堪作佛 奉勸君王及早脩
越聖超凡成正果 清風明月得自由
妙莊皇帝親闕此語望空百拜叩頭轉步隨即
登殿宣傳勅下集諸大臣并諸眷屬普令速持
齋戒清淨身心內外俱潔各持香花其乘象駕
即便登程竟往香山面謝大仙報德一回

心定親登華藏界 脫魔羅網出沉淪

南無觀世音菩薩

皇帝勅傳排鸞駕 龍亭象駕百千層
后妃公主并駙馬 各宮眷屬衆皇親
四相九卿隨聖駕 一時起馬便登程
方出皇城離金殿 勅交早到惠州城
惠州文武來朝見 朝袍官帶出來迎
莊皇遙觀香山近 青松翠竹滿山林
山青水秀無心看 停兵歇駕出龍廷
舉步親登香山上 低頭竟入草菴中

手捧寶香高奉上 躬身百拜祝香文

叩頭跪地稱有罪 寡人得命感仙恩

這番功效非可小 猶如朽木再逢春

為此合朝來酬謝 願師鑒納表愚情

妙莊皇帝親臨惠州澄心縣乃觀香山二十里

之遙遠見紫雲鎖碧岫花雨降青天千峯老岳

秀萬嶂不知秋皇乃割下鸞駕與諸宮眷步往

登山只見梅檀峯頂紫竹林中果有草菴一所

便令百樂齊鳴菓品珍饈擡至山前各持香花

拜至仙所皇乃頂金冠執王簡掛龍袍到爐前

三上香稽首百拜跪地曰朕今先焚寶香後供

清齋聊表寸忱願賜慈悲俯垂洞鑒爾時仙人

端坐巖上寂然無言

萬山不隔今霄月 一片清光分外明

南無觀世音菩薩

皇帝仰觀仙人面
手眼捨卻形軀別 仙人端坐不抬身
莊皇難識骨肉親

滿面血塵無手眼 不言不語實難論

皇帝當時開金口 告言仙姑聽緣因

朕因自身生病患。可憐仙姑損傷身。
 粉骨碎身恩難報。救得殘君革命存。
 特辦香齋來供養。合朝面謝大仙恩。
 思量別無酬大德。一炷心香表凡情。
 皇曰朕是山河大地之主。國萬姓之皇感大
 仙之德遠來面謝緣何無聲寂然。皇乃慙顏而
 退再令皇后宮眷拜問仙人且看如何。
 凜凜威光混太虛。天上人間總不如。
 南無觀世音菩薩

皇后便入菴中去。合官官眷後隨身

點燭光耀照山谷 焚香烟昇結雲亭
拜罷近前親觀看 仙人滿面血和塵

兩眼烏珠都剜去。又無雙手見刀痕

皇后便使香湯浴。香湯沐浴認虛真

再三仔細心思忖。如同妙善我兒身

皇后哭得肝腸斷。一聲哭死再還魂

我兒離別經九載。阿娘眼淚未曾乾

幾番夢中尋妙善。哭聲驚動六宮人

日間不食夜不睡。愁憂成病沒精神

香山卷
在宮不敢高聲哭
父皇聞知怒生嗔
千般快樂渾不喜
二心思憶我兒身
若是我兒休藏隱
依實說與母親聞
此時仙人回言答
告言慈母聽知聞
奴思養育恩難報
出家學道爲雙親
若不是娘親生女
誰肯將刀割自身
忍痛受苦都不論
一心要救父皇身
皇后是奴親生母
天教與娘再相逢
欲要捧娘無了手
舉目擡頭少眼睛

皇后聽得哀哀哭。一聲哭死在山中。
闔宮滿朝齊下淚。哀聲高震上天開。
莊皇見說心膽碎。振頭抗耳失精神。
彈指叫屈方懊悔。這場惶恐羞殺人。
自恨當初無先見。有眼何曾識好人。
空掌山河爲帝王。枉做君王號聖人。
朕若早知燈是火。回光返照出苦輪。
皇曰。好個香山境。花開滿地錦。山樹添翠色。古
洞白雲深。山境如此。朕未終信。當與朝臣曰。那

時妙善弓絃絞死。被虎拖去。並無形跡。焉有他在。朝臣奏曰。善惡無報。乾坤有私。這仙人正是公主。皇曰。既是妙善。上天感應。令他再生。手眼端嚴如舊。

△依然不會空惆悵。說盡山雲海自清。

南無觀世音菩薩。

妙莊皇帝親下拜。叩頭拱手訴緣因。
果然自朕親生女。皇天不負孝心人。
再生手眼如舊日。朕捨聲名做道人。

百拜道言由未了。忽然平地起青雲。

須臾雲開紅日現。清光明亮境和春。

仙人端然如花綻。勝前二九貌重新。

骨肉相逢哀哀哭。衷腸訴向父娘聞。

天上有星皆拱北。人間無水不朝東。

○萬古有天能蓋地。當然子孝奉雙親。

奴因生死事最大。拋離父娘去修真。

若有不割愛離父母。萬劫千生道不成。
無望無疑平等理。忘人忘法了脫身。

此時仙人身如淨琉璃。內現真金像。時乃雲收。

香山卷一
風靜崢光耀日。忽然仙人容貌端嚴。勝前二九
所謂昭昭乎天日在上。蕩蕩乎佛祖有靈奉教
之者。可不懼乎。

△親證無爲觀自在。放去收來總自然。
南無觀世音菩薩

仙人果證無生道。乾坤草木盡霑恩。

○釋梵諸天皆歡喜。○萬聖子賢賀太平。○

菩薩掀開龍宮藏。闡揚妙法露真情。

嚴父婆伽六十八。卯年卯月卯時辰。

慈母正宮名寶德。算來天壽父同春。

奴奴妙善二十八。二月十九巳時辰。

爲因宮中無太子。特來報答父娘恩。

普願回心行正道。無常不怕國皇親。

今得人身非容易。失却人身何處尋。

千生萬劫難遭遇。降駕草菴宿有因。

生死大事非小可。光陰能幾莫朦朧。

得到寶山須採寶。莫教空去再來難。

皇后問女兒曰。汝到陰司。再得還魂。地府之事。

細說來因只見人死。于千萬萬。那有再生。以得還魂者。仙人聞言。卽時便答。

△佛法若無如此驗。宗風那得到如今。南無觀世音菩薩。

奴入陰司如夢去。○黃泉路上杳冥冥。童子持旛前引路。奴隨童子往前行。又見獄卒排鸞駕。牛頭馬面兩行迎。直入冥陽閣王殿。十王王眷出來迎。三塗化作逍遙境。五色祥雲滿幽冥。

舊受罪鬼都放轉。新到新魂盡赦宥。掌判陰司官啟奏。○便送奴奴轉還魂。回到逝多林樹下。山神土地護屍靈。肉身不壞常堅固。靈明復入舊軀身。此時還魂如夢醒。○弓弦掙斷骨酸疼。記昔開言問二姊。賢哉姊姊聽緣因。稱誇孝順招駙馬。如何不捨手眼睛。難中不報非孝子。辜負雙親養育恩。世上名爲號公主。陰司地府未知聞。

香山卷下
鬼王鬼使無面目。判官判筆没人情。

不問王如并公主。不識皇親及國親。

生前不入蓮社會 死後焉得免沉淪

若人欲免輪迴苦 一心只管念佛陀

仙人曰自古佛法付與國皇大臣。普濟羣生。悟

佛知見。代代相承。兒檢古典。闡提深入。無如父

者。智無洞徹之照。行無高下之節。酷刑盡法。損

害無止。但取自樂。不念他苦。下民易虐。上天難

欺。患病臨身。悔無所補。父王聞言。兩淚如珠。閉

口吐氣。一言閉之。

△玉藏楚石誰人識。剖出方能見寶珍。

南無觀世音菩薩。

仙人當時開言問。父皇聖耳聽緣因。

道言龍軀常安健。原來也有病臨身。

見兒脩心千般難。重行嚴令斬奴身。

比想那時今何在。焉能與父再相逢。

文才武德稱忠孝。惡病臨身枉有親。

駙馬代得無常路。帝皇不死永長存。

死患一節無躲避。貧富貴賤赴幽冥。

獨行此苦無人代 將何功行免罪輕
人惡人怕天不怕 人善人欺天不欺
父皇被問跪著地。兩行珠淚落淋漓
賢哉故事休題起 朕今與汝共修真
自恨當初無先見 今日方覺悔無門
妙莊皇帝告白仙曰。朕思那日羞慚之至情知
坐罪悔無高明遠見之亮。如雲掩太陽一旦昏
迷。今見大賢實 伯之讎。乃有報恩之德。願
恕罪名。納父母之恩。 七山思惟佛道儘顯法

門浩蕩普度。

△此身不向今

更向何處度此身

南無觀世音菩薩

妙莊皇帝方醒悟 推位讓國願修行
萬榮宮殿齊割捨 千般富貴永埋沉
宮妃眷屬回心轉 持淨戒行出紅塵
金冠玉帶皆歸火 滾龍袍簡化灰塵
登壇受戒為佛子。學做香山老道人
天散迷雲三光朗 人證片心卽佛心

合國朝臣同行道 大圓滿覺鑒凡情
攝受三根歸淨土 直教萬劫盡朝宗

爾時十方諸佛現寶玉華座。出微妙音。讚言善哉善哉。大皇宿福深厚。捨一女出家。九族升天。再能推位讓國。降臨草菴。現世卽人皇當來成佛。道妙莊皇帝蒙佛授記。心生歡喜。乃作一偈。

和佛至此
鳴尺偈云

菩薩慈悲降凡筵 阜宮內苑長生身
普勸佛子依此樣 果然學道不虧人
莊皇說此偈已 隱山修道二十餘年。春秋八十

有九預知時至。告衆去世。遂作一偈。

金鑿位推入真空 清虛寂寞徹底窮
止有一具無明殼 散塲付與丙丁翁

休說莊皇歸淨土。且說現在觀世音。功成行滿。蒙佛授記。遂感大千世界。六種震動。天垂寶蓋。地湧金蓮。十方諸佛。菩薩聖僧。釋梵諸天。龍神八部。盡赴香山。乃作一偈。

大喜大捨大慈悲 托皇宮內没人知
剎那轉凡心成佛 森羅萬衆放光輝

香山會上。有一月蓋長者。領五百人。俱至於座。前拜跪問曰。云何外道。云何正道。願師慈悲。開示盲迷。作是念已。胡跪合掌。目不暫捨。一心渴仰。爾時仙人告四衆言。汝以好心來辨。豈得不說。外道者。心外求佛。觀頂着相。眉鼻見光。認空執有於色。身內有甚奇特。脩無漏斷。紅白採陰助陽。做作十地工夫。知吉凶神事。暗傳妙法。立重誓愿。兀坐守空。自知生死路頭。印號合同。位登上品。遊好境界。見一切相。不許外人知之。自稱得道。自立教門。作法休糧。顯異惑衆。欺罔賢聖。此乃盡是外道也。譬如猿猴。聯臂攀樹懸崖下水捉月。徒勞心力。到底成空。若是正因正見之人。總不如此。以偈答曰。

欲達如來真淨界 當淨身心如虛空

莫學出神脩煉法 始覺從前錯用功

爾時仙人告諸後賢。吾於過去無量劫中。寶藏佛時。淨音皇宮。曾作第一太子。出家行道。至今身心不倦。頭頭救拔。隨類化身。今國皇者。乃吾

宿世檀越。妙書妙音。乃是他生良友。及餘眷屬。羣臣悉是助緣。信施前生。曾結善緣。以致世世相隨。乃作一偈。

無量光中淨觀音 特來此土度群生

久隱普陀人罕識 唐朝顯露始開名

此時仙人方稱觀世音菩薩。自然體掛瓔珞頭。戴珠冠。手提淨瓶綠柳。足踏千葉金蓮。頂放白毫相光。遍照沙界。是諸大衆。齊白佛言。請問世尊香山仙人。本行因地。令諸信樂。云何受持。遂

答一偈

此卷因緣不依稀 萬聖千賢盡受持

抽釘拔楔除雲障 一性圓明等大虛

爾時世尊告四衆言。汝今諦聽。當與汝說。本山仙者。乃古佛正法明如來。於諸佛中。慈悲第一。憫諸衆生。出現凡世。假入輪迴。化令同事。能捨身心。救拔迷人。歸於淨土。捨雙眼。今得千眼。報捨雙手。今得千手。報號曰千手千眼。大慈大悲。救苦救難。廣大靈感。如來應供。正徧知。明行足。

善逝世間解無上士。調御丈夫。天人師。佛。世尊。
卽觀世音菩薩。十號也。而說偈曰。

△觀音慈父受魔冤。流通大教世間傳。

莫道女身不成佛。功成行滿證金仙。

南無觀世音菩薩。此偈八句和佛收功

此卷因緣說已全。古鏡重明照大千。

信得及者成正覺。不成佛果也成仙。

觀音慈父本行經。普滋大地衆群情。

見聞解義知端的。此事功圓賀太平。

卷終誦大悲咒一遍舉

大悲觀世音菩薩本行經簡集卷下

宣卷功德殊勝行。無邊勝福皆廻向。

普願沉溺諸衆生。速往無量光佛刹。

再能爲衆心者。踰誦佛各懺悔文畢。領衆念佛。

一堂終

宋天竺普明禪師編集

清梅院後學淨宏簡行

